

DE  
PERSECVTIONE  
ANGLICANA  
LIBELLVS.

Q U O E X P L I C A N T U R  
*Afflictiones, calamitates, cruciatus, &  
acerbissima martyria, quæ Angli  
Catholici nūc ob fidē patiuntur.*

Quæ omnia in hac postrema editione æneis typis  
ad viuum expressa sunt.



ROMÆ, Cum Licentia Superiorum M. D. LXXXII.

Ex Typographia Georgij Ferrarij.

Sumptibus Bartholomæi Grassi, & Casaris Ferrarij sociorū.

PER SECTIO

ANGLICA

1711

IN REGIA BIBLIOTHECA

PAVLO-APOSTOLICA

CONSERVATA

IN VESTIBULO

LIBRARIARUM

1711



IN REGIA BIBLIOTHECA

PAVLO-APOSTOLICA

CONSERVATA

IN VESTIBULO

LIBRARIARUM

3

PHILIPPO  
BONCOMPAGNO  
S. R. E. CARDINALI  
SANCTI SIXTI

Patrono optimo.

Collegium Anglicanum Romanum. S.



*U*n nuper sit ad nos  
allatus è Rhemensì Col-  
legio libellus, quo paucis  
forma quædam descri-  
bitur calamitosissimì tēporis, quod quasi  
omnis conscelerati furoris, ac violentiæ  
maturitas eruperit, florens illud quondã  
Angliæ Regnum ita affligit, ut cladem  
maiores quotidie afferat: gratum am-  
plitudini tuæ futurum duximus, si tuo  
nomine diuulgetur, & in manus homi-

num tam excellenti fultus praesidio veniat: ut perspiciant omnes quanta nostrum temporibus impiorum spiritus miseriarum incendia excitari: & ubi viderint non deesse Dei beneficio, quos nullum periculum, nulla vis, nullus cruciatus possit de recta fide depellere, miseram, potius quam turpem nostram sciant esse rempub. Quamquam si esset deformis, nemo eam irridere, sed misereri potius deberet. Est illa quidem ornamentis spoliata, agra, malo affecta; inest tamen quidam in venis ac visceribus calor, qui eam in praesenti, quamvis oppressam, extinguere non patitur, et simul atque caelesti aliqua medicina melius erit factum, non pristinam modo ei sanitatem, sed colorem etiam, ac vires continuo reddet. Invadant Angliam quamlibet graues, difficilesque morbi, illi certe, quae est in Dei fide locata, dum anima erit, spes erit. Laborare scili-

25  
cet ac tentari poterit, occidere non poterit. Sunt inter Anglos qui doceant omnia quae dura, tristitia, aduersaque sint, ea Dei auxilio, ac pietatis desiderio obteri, ac pro nihilo putari. Nobis certe, qui in hoc collegio summa Gregorij xij. patrui tui liberalitate, & vigilantia, tua sub tutela, ac patrocinio ad solidam sapientiam, & Christiano homine dignissimam informamur, non concidit tam saeva tempestate animus: erigitur potius, & ad eorum imagines, quorum, hoc commentariolo expressae sunt, non modo intueudas, verum etiam imitandas accenditur. Optatissimum quidem est Angliam saluam, atque integram videre: proximum, nullas pro eius salute ac dignitate arumnas non perpetiendas putare: postremum illud, quod omnium maximum esse debet, corpus iamdiu CHRISTO IESU, ac Romano Pontifici eius Vica-

rio consecratū libenter offerre, si quo modo representari morte nostra miserabilis regni gloria ac species possit. Oramus proinde amplitudinem tuam, ut quando hac non in umbra, & palastra, sed in sole atque acie geruntur, si erit commodum, hoc ipsum Anglicani non iam ingenij, & doctrinae, sed Christiani studij, ac religionis specimen, communi Christianorum omnium parenti offerat: ut intelligat sanctissimus Pontifex antiquum in Anglorum pectoribus florem sibi veteris vbertatis non penitus exaruisse, illudque sibi persuadeat, nobis, quibus domi hac nascuntur, ut carissimam patriam ab interitu vindicemus, vitam prius, quam gratum animum, fidem, ac perseverantiam, de futuram. Vale.



7  
DE PERSECVTIONE  
ANGLICANA:  
LIBELLVS.

*Amicissimo suo Gerardo, Bononia.*



REQVENTES à te  
litteras argumenti nō dis-  
similis recepi: petis enim,  
& vehementer vrges, vt  
scriptione significē, quæ  
mihi certa sunt & explo-  
rata, de Anglicana in orthodoxos perse-  
cutione, cuius tu istic famam esse non exi-  
guā quidem, sed minime tamen explica-  
tam, & fidei parum constantis, affirmas.  
Mihi autē, qui & absūm propius ab ipsis  
rebus gestis, & accipio auditione, quæ  
quotidie geruntur, non esse per difficilem

existimas, complecti litteris, quæ sunt certissima. Quæ tibi vt non negauerim, (locis enim peruicinis subsisto, & quæ scribuntur, aut uarrantur, non indiligenter attendo:) tamen, an debeam hæc eadem tibi scribere, & amicis (vt ais) petentibus impertire, eo maxime consilio, vt fiant publica; nondum satis possum constituere. Non enim es nescius, quantum habeat periculi de potentium iniurijs querelam instituere, quorum ingenium, & consuetudo est, ne gemitum quidem miseris liberum, aut impunitum relinquere, sed ipsis etiam de lamentis (si qua fiât) vindictam sumere. Ne igitur noceam quibus optime volo, eorumque referendo calamitates augeam, quibus prodesse vel vitæ meæ periculo cuperem: ancipiti profecto cogitatione discrucior, & quàm in partem deflectam, non facile inuenio.

Propendo tamã (fateor) in illud, quod postulas, cum & iustum videatur, & rationibus à te positis, ab omni maleuolorum calumnia satis munitum. Quid enim, (inquis) an quæ publice sunt gesta, priuatis litteris non liceat committere? aut si hoc  
ipsum



ipsum in crimen vocatur: tua tamen culpa est, non alijs præstanda, tuum delictum in alios non plectendum. Quæ tua ratio ab ipsius naturæ sensu deducta, sustentat me non parum vacillantem, & non mediocriter voluntatē tibi satisfaciendi corroborat. Hoc enim profecto, (nisi vehementer aberro) ab aduersariorum nostrorum expectandum est prudentia, (sunt enim secundum carnem non insipientes,) ut aliena peccata ab innocentibus non exigant: quamquam ego, mehercule, sic quæque conabor scribere, ut nec ipsis etiam iudicibus, in officium boni viri scribendo peccem. Nihil enim odiose dicā, nihil maleuole, acerbe nihil: narrabo tantum quæ facta sunt, & si rei asperitas aliquando me in querelam impulerit, id citra cuiusquam fiat contumeliam.

Non enim arbitror nostrum esse, qui fidem Christi catholicam amplexamur, iniuriam iniuria compensare, aut malefactorum iniquitatem, orationis velle acerbitate castigare. Habemus enim propitium, & potentem Dominum, cuius arbitrio deferenda sunt omnia. *Ipsi cura est* *Catholico-  
rū propria.* *1. Petr. 5.*

Rom. 12.

Psal. 42.

Psal. 74.

de nobis : ipsi vindictam, & ipse retribuet: ipse discernit causam nostram : de gente non sancta, ab homine iniquo & dolofo eruet nos ; ipse, cum tempus acceperit, iustitias ipsas iudicabit, quanto magis seruorum suorum persecutiones, molestias, & diuexationes ? interim si affligimur, si proculcamur, si rapinas bonorum nostrorum patimur, si opprobrijs exponimur, si carceribus premimur, si vinculis stringimur, si fame, frigore, & inedia maceramus, si tormentis & cruciatibus subijcimus, si in cruces subleuamur, si mortis varijs generibus absumimur : ( nam hæc omnia catholici in Anglia nostra sustinent : ) & si, ( quod adhuc magis ad dolotem facit ) hæc eadem in medio nostrorum fratrum sustinemus, in auribus & oculis cæterorum Catholicorum, qui in circuitu sunt, inspestantibus & negligentibus ipsis, & nostri ne quicquam commiserentibus, nec verbo quidem ( cum possint ) iuuantibus ; tamen despondendus animus non est, nec salutaris anchora patientiæ dimittenda. Non enim ( vt inquit ille ) meliores sumus quam patres nostri, qui selecti sunt distenti sunt, verbera & carce-

4. Reg. 19.

Ier. 11.

res experti sunt, & addit Apostolus, quod  
 a te maxime animaduerti volo, Non susci-  
 pientes redemptionem ut meliorem inuenirent re-  
 surrectionem. Non sunt discipuli supra magistrū:  
 qui cum iniustitiam non fecisset, cum iniquis ta-  
 men deputatus est, & multo his atrociora nostri  
 causa pertulit. Neque tamen os suum coram ton-  
 dentibus, immo nec tundentibus quidem, ap-  
 peruit.

1. Petr. 2.  
Esa. 53.

Luc. 22.

Esa. 31.

Retineamus ergo nos hanc tam sanctæ  
 tolerantiae uitam possessionem, commē-  
 datam nobis à saluatore nostro, & ab opti-  
 mis maioribus integerrime conseruatā.

Permittamus aduersarijs illam omnem  
 innatam vindicandi ferociam, qua magi-  
 stratui, & dominationi resistunt, qua sedi-  
 tiones & turbas excitant, qua tot viros  
 principes, duces fortissimos, sacerdotes  
 sanctissimos, ciuitates munitissimas, præ-  
 clarissimas, atque nobilissimas respubli-  
 cas fraude, ferroque, hac nostra tempe-  
 state, peremerunt. Utantur illi huma-  
 no brachio, confidant de astutia & ini-  
 quitate sua, vescantur scelere quantum  
 volent: Spes autem nostra in Deo nostro est, qui  
 saluos facit sperantes in se: adiutorium nostrum

Hæreticorū  
peculiaris.  
Rom. 9.  
Ep. Iud.

Hier. 17.

1. Cor. 3.

Eph. 4.

Psal. 61. 16.

123.

Psal. 43.

*Psal. 98.* in nomine Domini, qui fecit cælum & terram, & qui non obliuiscitur inopia, & tribulationis nostræ. Placuerit forsitā maiestati suæ castigādos nos tradere ob peccata nostra, quæ honor regis iudiciū diligit: at certe nos proijcere nō potest reuertētes ad se, quia misericors, & miserator est, & miserationis eius non est numerus. Quid poterat hoc ipso expressius ab eo dici?

*Psal. 88.* Si dereliquerint (de Dauide loquitur) filij eius legem meā, & in iudicijs meis non ambulauerint. Si iustitias meas profanauerint, & mandata mea non custodierint.

Visitabo in virga iniquitates eorum, & in verberibus peccata eorum.

Misericordiam autem meam non dispergam ab eo, neque nocebo in veritate mea.

Non profanabo testamentum meum, & quæ procedunt de labijs meis, non faciam irrita.

Semel iuravi in sancto meo, si David mentiar, semen eius in æternum manebit.

Hæc est promissio, hæc firma Dei testatio, Daudico semini, hoc est, Ecclesiæ Christi Catholicæ, de æterna duratione, iuramento facta, sanguine confirmata, plurimorum sæculorum experientia stabilita. Non est ergo nobis dubitandum, sed sustinendum: etenim vniuersi qui

*sustinent Dominum non confundentur.*

*Et si moram fecerit, expectemus illum, quia* <sup>Abas. 2.</sup> *veniens veniet, & non tardabit.*

Ad hanc autem rerum aduersarum tollerantiam, dum nos inuicem hoc in exilio non raro cohortamur: nihil solemus nobis ipsi libentius, vel possumus certe efficacius, ad consolationem & imitationem proponere, quàm fratrum nostrorum in Anglia perpeffiones, tanto nostris maiores & acerbiores, quanto magis afficiunt quæ corpore sentiuntur, quàm quæ rebus externis inferuntur vulnera. Nos enim qui manibus elapsi persequentium, alienis in terris vitam exilem degimus, etsi permultis sane incommodis, atque adeo fere infinitis exagitemur, quòd patria, quòd liberis, quòd amicis careamus: quòd bonorum nostrorum direptiones, & possessionum omnium auersiones sustinuerimus: tamen, quæ duæ res in homine sunt maximæ, earum vimur potestate libera, id est, animi & corporis, quarum neutra catholicis in Anglia cõceditur.

Nam præter illa grauamina, quæ rebus eorum temporalibus imponuntur, corpora

*Dura Catholicorum  
in Anglia  
conditio.*

pōra etiā sexcentis diuexationibus patient, carcerum, vinculorum, atque etiā tormentorum. Animis vero nihil liberū, nihil solutum, nihil integrum relinquitur: non vox, nō religio, nō internus de Deo, rebusque diuinis sensus, aut cogitatio. Loquendum enim tibi est cum alijs, affirmandū iuramento quod ceteri affirmant, etiamsi animo longe aliter opineris etiā si conscientia contrarium plane senseris.

Quæ seruitus, & illiberalis animorum pressura in rebus præsertim ad Deū pertinentinentibus, cum sit omnium malorum, quæ in hominem possunt exerceri, grauissimum, atq; acerbissimum: facit ut nostra conditio, licet cæteris in rebus afflictissima, domesticorum tamen omnibus statu sit multo tolerabilior. Quis enim incommodis, & ipsa etiā morte non duxerit acerbius torqueri conscientia, prohiberi libero religionis exercitio, impelli ad opinionum nouarū professionem, quas animus auersatur, respuit, & abhorret? More autem suo, patrumque suorum, & totius fere orbis reliqui, si quis Deum colat, etiamsi clanculum, etiamsi recte

teſte, etiamſi perſecreto fecerit: traduci tamen tanquam læſæ maiestatis reum, tãquam hoſtem & proditorem totius rei publicæ, tanquam impium, & flagitioſum hominem, & uſura communis auræ vitæque, indignum? Quod autem nunc (Gerarde) ſic ſe res habeant in patria noſtra, ex ſubiecta liquido narratione conſtabit.

Ac primũ quidem ut res facilius intelligatur, & reliquorũ quæ dicenda ſunt, *Leges Anglicana in Catholicos lata.* manifeſtior exiſtat coniectura: non erit forſan ab optima methodo alienum, ſi leges publicas propoſuero, quas Anglia, nata & inſtituta à Catholicis ad Chriſtũ, in pernitiem Catholicorum ob fidẽ Chriſtianam edidit. ex his enim non difficulter exiſtimari poterit, quantum patiantur à priuatorum hominum libidine, odio, atque nequitia, cum publicarum legum autoritas, tantum in ſillos poteſtatis cuius fere calumniatori permittat.

Ut ergo de legibus dicã, duo ſunt earum genera, quæ diuerſis temporibus in Catholicos ſunt latæ, aliæ quæ pecunias, *Duo genera Legum in Catholicos.* poſſeſſiones, cæteraque bona, tam fortunæ, quam corporis attingunt, quæ pecuniariæ



niariæ (opinor) dici possunt . Aliæ quæ sanguinariæ potius sunt , quia mortē vniuersis offendentibus infligunt . Atque ad hanc ipsam legum partitionem, sequentis orationis seriem accommodabo .

*Leges pecuniaria.*

Inter leges pecuniarias, illa cum primis numeranda venit, quæ in postremis est edita, in eorum nimirum punitionem, qui conscientiam secuti protestantium Ecclesias frequentare detrectant . Hoc enim perurgent aduersarij, vt licet Catholici alterius sint religionis, licet Caluinismum animis abhorreant, licet ministrorū preces & conuentus detestentur, & eorum sacra pro nefandissimis habeant : tamen accedant, assistant, præsentem se exhibeāt, etiam reluctante, etiam reclamante, etiā auersante conscientia. Et quia plurimi recusant tā atrociter in Deū, & cōscientias peccare suas : ideo lex ista seuerissima, in homines istos scrupulosos facta est, vt

*Prima lex in recusantes ecclesias protestantium.*

quicumque ad Ecclesias protestantiū venire recusauerint, officij diuini (vt loquuntur) præstandi, aut auscultandi causa, si ætatem annorum sedecim exceßerint, soluant quoquo mense suæ absentię libras

Anglicas



anglicas viginti, hoc est aureos, 66. qui autem soluendo non sunt, carceribus omnino detineantur, donec soluendi facultatem habeant. Leges reliquæ hoc ordine sequuntur:

Qui conuictus fuerit audiuisse missam, <sup>2. De missa.</sup> etiamsi id secreto factum fuerit, patietur carceres per integrum annum, & tam diu postea, quo usque persoluat 2 x 1. aureos.

Sacerdos vero qui sacrum fecerit, non exibat carcere post expletum annum, nisi solutis aureis 422. atque hoc toties quoties fuerit in hoc genere ab eo peccatum.

Omnis vir ecclesiasticus, qui non publicam fecerit religionis Romanæ detestationem, & auctoritatem Pontificis Romani palam non abiurauerit, amittet omnia beneficia, omnemque dignitatem quamcunque ecclesiasticam. <sup>3. De abiuratione.</sup>

Nullus scholaris, aut litterarum studiosus habere poterit locum in collegijs academicis, aut ad vllum gradum litterarium ascendere, nisi in ingressu ad illud collegium, & in susceptione cuiusque gradus, eiusdem Pontificis auctoritatem in causis ecclesiasticis abiuret. <sup>4. Iuramentum in academijs.</sup>

5. De iura-  
mentis magi-  
stratum.

Nemo magistratum publicum gerat, aut vllum officium in republica retineat, nisi hanc ipsam summi Pontificis abiurationem publice præstiterit.

6. De pupil-  
lis.

Pupillus ad perfectam ætatem perueniens, hæreditatem suam adire non poterit, nec eiusdem vllis commodis gaudere, nisi prius emiserit idem publicum iuramentum.

7. De comi-  
tialibus.

Quicumque infra dignitatem Baronis positi, vocati fuerint (vt non raro solent) ad comitia publica, quæ parlamentū appellantur (in quo summa libertas suffragiorum solebat esse) amittent omne ius suffragiorū, nisi velint publice hanc abiurationem Pontificis præstare.

8. De recu-  
santib. iu-  
ramentum.

Sic cuiquam infra conditionem Baronis cōstituto, hæc abiuratio bis oblata fuerit, & ipse hanc eandem secundo recusaue- rit: amittet omnia bona, & possessiones suas, & corpore condemnabitur ad perpe- tuos carceres.

9. De negā-  
tibus regi-  
nam supre-  
mū esse ca-  
pit.

Qui negauerit Reginam esse supremū caput Ecclesiæ Anglicanæ in causis eccle- siasticis eadem poena plectetur amissionis bonorū oīum, & incarcerationis perpetuæ.

Qui-

Quicumq. Agnos Dei, (vt vocant) rosa <sup>10. De reci-  
piētib⁹ res  
benedictas  
à Papa.</sup>  
ria, grana benedicta, medalias, crucifixos,  
aut aliam rem quancumque benedictam  
à Summo Pontifice, & in Angliam addu-  
ctam, receperit, aut retinuerit; eandem poe-  
nam sustinebit, amissionis bonorum om-  
nium, & incarcerationis perpetuæ.

Si quis pædagogum domo retinuerit <sup>11. De reti-  
nētib⁹ pæ-  
dagogos Ca-  
tholicos.</sup>  
ad instruendos pueros, qui ecclesias pro-  
testantium non frequentet, aut ab episco-  
po Calviniano approbatus non fuerit; per-  
det ob eam causam 33. aureos singulis  
mensibus, quousque illum eiecerit.

Si quis sciat aliquem, qui alterum re- <sup>12. De celā-  
tibus recon-  
ciliatores  
vel reconci-  
liatos.</sup>  
conciliauerit vnitati, & communioni Ec-  
clesiæ Romanæ, & Si hunc reconciliato-  
rem, aut illum alterum reconciliatū quo-  
uis modo iuuerit, aut celauerit, ita vt infra  
spacium 20. dierum proxime sequentiū,  
magistratui publico vtrumque non prou-  
derit; amittet omnia bona sua, tam mobi-  
lia, quàm immobilia, omnesque possessio-  
nes dum viuit, & de corpore suo statue-  
tur ad arbitrium reginæ.

Qui nouerit aliquem procurasse alte- <sup>13. De celā-  
tibus proem-  
rationes.</sup>  
rius reconciliationem ad finem Roma-  
nam,

nam, quamuis ipse nec reconciliauerit, nec reconciliatus sit, & si hunc procuratorem quouismodo iuuerit, aut celauerit, aut non prodiderit magistratui, vt supra, eiusdem poenae condemnabitur.

14. De celā  
sibus cōsul  
tores.

Qui nouerit aliquem consilium dedisse alicui, vt reconcilietur Romanae fidei, licet ipse hoc omnino non procurauerit, & si hunc consultorem quouismodo inuenierit, aut celauerit, aut non prodiderit, vt supra: eidem poenae fiet obnoxius.

15. De celā  
sibus obe  
dientes Pa  
pa.

Si quis sciet aliquem persuasisse, procurasse, aut consuluisse alicui, vt obediat Romano Pontifici in causis ecclesiasticis, & si hunc tamen iuuerit, celauerit, aut non prodiderit, vt supra eadē poena plectetur.

16. De celā  
sibus pro  
mittentes  
obedientiā.

Qui cognouerit aliquem permisisse sibi persuaderi, vt obediat in ecclesiasticis Romano Pontifici, vel promisisse (pro futuro tempore) quamcumque ei obedientiam: & si hunc quouis modo iuuerit, aut celauerit, aut infra viginti dies non prodiderit, vt supra, eandem poenam amissionis bonorum & possessionum omnium, & incarcerationis subibit.

17. De celā

Qui sciat sacerdotem aliquem absolu  
tionem

tionem alteri dedisse, & hunc iuuerit, aut celauerit, aut satis tēpore non prodiderit, vt supra: ad eandē pēnā condemnabitur. *tib. absol-  
uentes.*

Si quis nouerit sacerdotem habere auctoritatem absoluendi, quamuis eam non exercuerit, aut aliquem absoluerit, & si hunc iuuerit, aut celauerit, aut non prodiderit, vt supra, eidem pēnæ subiacebit. *18. De celā  
tib. aucto-  
ritatem ha-  
bentes ab-  
soluendi.*

Qui sciuerit aliquem præ se ferre, auctoritatem habere absoluendi, etiam si reuera, non habeat, & hunc iuuerit, aut celauerit, aut non prodiderit, vt supra, eadē pēna inuoluetur. *19. De celā  
tribus prae-  
ferentes ab-  
soluendi au-  
thoritātē.*

Si quis sciat aliquem esse ab altero absolutum, siue volens petierit illam, absolutionem, siue sciens solum permiserit se absolui non petentem: & hunc vllō modo adiuerit, aut celauerit, aut non prodiderit, vt supra, eiusdem pēnæ reus existimabitur. *20. De celā  
tribus abso-  
lutos.*

Qui nouerit aliquem dissuasisse alteri religionem quæ nunc est publica in Anglia (hoc est Calvinismus) ea intētionē, vt eum trahat ad obediendum Pontifici, & Romanæ religioni: vel si sciuerit aliquē procurasse, vel suasse, vt alteri sic dissua-

*21. De celā  
tribus dis-  
suasores re-  
ligiōis Cal-  
uiniana.*

deatur:& si hunc quouismodo iuuerit, celauerit, vel non prodiderit magistratui infra spacium 20. dierum vt supra; eandem poenam toties iam descriptam patietur, nimirum, vt amittat omnia quæ mortalibus hæc vita dare possit commoda.

Atque hæc fere sunt, quæ de legibus pecuniarijs mihi veniunt in mentem, ex quibus solis, si nullæ capitales essent, cõiectura facilis fieri possit, quàm ardua sit in Anglia Catholicorum conditio, quibus tot leges tanquam laquei, ad perditionem sunt positæ, terrore plenæ, periculisque plenissimæ. Quis tranquillo animo esse possit cum de bonis vitæ necessarijs, nequeat vel ad horam securitatem sibi promittere, circumseptus tot minitantibus legibus, quarum pericula vitare non potest, nisi impius esse velit? quantum hic loci calumnijs conceditur? quætæ vires subministrantur inuidiæ? quantæ occasiones iniquitati porriguntur? Si quis iuuerit, aut celauerit reconciliantem, reconciliatum, absoluentem, absolutum, procurantem, cõsulentem, dissuadentē, aut huiusmodi: reus est (inquit lex) ingentis flagitij, puniendus

niendus amissione bonorum omnium, atque etiam libertatis. Nihil dico de re. considera solum, quantum pateant Catholici his legibus iniustitiæ. Si quis aliquē ex prædictis, domo forsā vel inscius reciperet, & alter scientem fecisse argueret, quā se hic ratione defederet? aut quo patrociniō innocentiam tueretur suam? Si quis alicui dissuaderet Caluinisimū, nulla prorsus facta Romani Pontificis mētiōe: quo modo constabit, istum lælæ maiestatis reum non esse, hoc est non ea intētiōe dissuasisse, ut alter, reiectis Caluini placitis, Romano se Pontifici, & ecclesiæ submittat? Immo (inquis) euitari facile periculum posset, si iste aperte Puritanismū, Anabaptismū, Arianismū, aut etiam atheismū persuaderet. Credo equidē: nec sane abhorret a probabili coniectura, particalum illam in istarum similiumque hæreseon patrociniū, fuisse a scriptore tā diligenter appositam. Omiseram conditionem nostrorum temporum.

*Ex lege 21.  
Præcedenti.*

*Securum in  
Anglia cui  
uis hæresē  
quāvis fidem  
Catholica  
fauere.*

Atque hæc de calumnia: quid verō de Iniquitas  
legum istarum iniquitate dicē dum esset, legum An-  
glicarū in  
qua pater filium, maritus uxorem, fratet Catholicos

B 4 fratrem,



fratrem, poenitens sacerdotem, seruus dominum, ob religionem Catholicam, qua nati, qua educati, qua instituti sumus, quamque ceteri principes amplexantur, & defendunt, accusare in Anglia, tanquam de crimine scelerato, tenentur. quorum profecto simile nulla retro transacta tempora, nulla patrum repetita memoria, nulla priorum saeculorum antiquitas videtur. Solum hæ sunt nostrorum temporum audita vertigines, locorum nouitates, humanæ mentis flexibiles voluntates, carnis, & sanguinis vanissimæ cogitationes, quibus homines, incommutabilem Christi veritatem, commutare suis placitis, pro ratione suorum commodorum attentant.

*Reges catholici in Anglia.*

Sed videamus adhuc seueriores leges hoc est, capitales, quas supra sanguinarias ea ratione appellauerim, quod sanguini insidientur, vitamque ipsam oppugnent. In quibus illud primum animaduersione non est indignum, omnes de sola religione esse, & tamen non solum poenam capitis inferre, verum etiam læsæ maiestatis, quæ est omnium grauissima, & odiosissima, quippe quæ flagitiosissimo debetur scelerati,



ri, quod est, proditionis. Hoc autem ideo ab aduersarijs nostris est factum, ne mors Catholicorum, martyrium videretur, sed infamia potius scelerati flagitij, apud vulgus ignarum traduceretur. Etiam ut principi facilius persuaderetur, religionē Catholicam, sceptro suo infestam esse, & regnandi securitati male securam. Quo semel confirmato principio, non erat difficile, quas vellent, in orthodoxos leges elicere, cum tamen illa abhorreret ingenio ab huiusmodi violentia, & sanguinis effusione. sed nunc ad leges ipsas accedo, quarum prima sic exoritur.

Quicumque dixerit, scripserit, affirmaverit, vel ullo modo etiam per cifras significauerit, vel etiam rogatus, confessus fuerit, Pontificem Romanum esse caput Ecclesiæ Anglicanæ, vel vllam habere ibi in causis ecclesiasticis auctoritatem: reus læsæ maiestatis existimabitur, & eadem prorsus pæna plectetur qua reipublicæ proditores plecti solent.

Qui ad Pontificem Romanum vlla de causa appellauerit, & bullas, aut alia instrumenta ab illo obtinuerit, & in Angliā inuer-

1. Confes-  
ses Pontifi-  
cis auctorita-  
tem.

2. Appellau-  
tes ad Pon-  
tificem.

inuexerit : eidem læsæ maiestatis poenæ subiacebit .

3. *Importantes res benedictas a Papa.*

Si quis Agnos Dei (vt vocant,) rosaria, grana benedicta, medalias, crucifixos, aut quam cunque rem aliam à Pontifice Romano benedictam, in Angliam importauerit, criminis læsæ maiestatis reus erit.

4. *Recusanti iurare.*

Cuicumque infra dignitatē Baronis constituto, ter oblatum fuerit iuramentum, seu abiuratio cōtra Pontificis Romani auctoritatem, & pro suprema potestate Reginæ in causis ecclesiasticis, & si ille tertio iurare detrectet: eandem poenā læsæ maiestatis sustinebit.

5. *Fauentes reginā hæreticam, aut schismaticam.*

Qui vilo modo dixerit, scripserit, significauerit, vel rogatus confessus fuerit, Reginam Angliæ hæreticam esse, aut schismaticā : eidem poenæ læsæ maiestatis erit obnoxius.

6. *Reconcilians.*

Si quis aliquē Ecclesiæ Romanæ vnitati, & communioni reconciliauerit, eandē poenam læsæ maiestatis patietur.

7. *Reconciliati.*

Quicumque fuerit ab aliquo, sciens & volens, ad eandem vnitatem & communionem reconciliatus : eandem poenam sustinebit.

Qui

Qui prouocauit alicuius reconciliati-  
onem ad illam vnitatē, & communionem  
eiusdem poenæ reus erit .

8. Procuratores reconciliati-  
onem.

Qui tantum consuluerit alicui, vt ad il-  
lam vnitatem & communionem reconci-  
lietur, etiamsi non procuret, eadem nihi-  
lominus plectetur poena .

9. Consili-  
dantes ad  
reconcilia-  
tionem.

Si quis alicui persuaferit, vt Pontifici  
Romano, in causis ecclesiasticis obediat:  
eodem crimine læsæ maiestatis condem-  
nabitur .

10. Persua-  
dētes obedi-  
re Papa.

Si quis permiserit sibi persuaderi, vt  
sic obediat: eiusdem criminis reus cen-  
sabitur .

11. Permis-  
sentes sibi  
persuaderi.

Si quis procurauerit, vel consilium de-  
derit vt alicui sic persuadeatur, eandem  
poenam læsæ maiestatis subibit.

12. Procu-  
rātes & cō-  
sulentes p-  
suaderi.

Siquis promiserit (pro futuro tempo-  
re) se aliquam obedientiam Romano Pō-  
tifici in causis ecclesiasticis præstiturum:  
eandē læsæ maiestatis pœnam sustinebit.

13. Promis-  
sentes obe-  
dientiam.

Si sacerdos aliquem ex Regiæ subdi-  
tis absoluerit: crimen læsæ maiestatis cen-  
sebitur .

14. Absol-  
uentes.

Si quis habeat auctoritatem absoluendi  
in Anglia, licet nullum actu absoluerit:  
incur

15. Haben-  
tes aucto-  
ritatē ab-  
soluendi.

incurrit tamen læsæ maiestatis crimen.

16. *Præseferentes auctoritatem absoluendi.* Si quis præseferat habere huiusmodi auctoritatem absoluendi, etiam si non habeat: læsæ maiestatis reus existimabitur.

17. *Permitte se absolui.* Si quis sciens ab altero absolvatur, siue ipse petierit absolutionem illam, siue absolui se permiserit non petentem: eandem poenam læsæ maiestatis sustinebit.

18. *Procurantes absolui.* Si quis procurauerit ut aliquis absolvatur: eidem poenæ fiet obnoxius.

19. *Consulentes absolui.* Si quis consilium dederit, ut quis absolvatur, licet non procurauerit: eandem poenam sustinebit.

20. *Procurantes & consulentes absoluere.* Si quis vel procurauerit vel consuluerit, ut quis absoluat, licet non ut aliquis in particulari absolvatur: eidem poenæ subiacebit.

21. *Diffuadentes veli- gionē Cal- uinianam.* Si quis dissuaserit alicui religionem illam, quæ nunc publice in Anglia tenetur, vel procurauerit ut dissuadetur, ea intentione, ut ille cui dissuaderetur, ad obedientiam Romani Pontificis, & Romanæ fidei trahatur: reus erit etiā criminis læsæ maiestatis, & eadem poena plectetur, quæ illi crimini debetur, quæ quidem poena huiusmodi est.

Primum vt cōdemnatus, terraque pro- *Pena eorū*  
 tractus ad locum supplicij, in maiorē cru- *qui condē-*  
 ciatum semistranguletur laqueo: deinde, *nantur la-*  
 vt redeunti ad se, amputentur virilia, & *sa maiesta-*  
 igne comburantur tunc, vt cultro aperia- *ris, ob reli-*  
 tur venter, & erutis illis, etiam cor, & vi- *gionem Ca-*  
 scera spiranti adhuc, & reluctanti, manu *tholicam.*  
 carnificis euellantur, & in ignem iuxta po-  
 situm proijciantur: deniq; vt elixus & in  
 partes diffecatus, ad varias ciuitatis por-  
 tas suspendatur. Bona autem sua & pos-  
 sessiones omnes ad fiscum transeant, nec  
 eorum quicquam ad vxorem, liberos,  
 aut consanguineos descendat, sed vt ipsi  
 præterea, huius vnus ob causam, æter-  
 na notentur ignominia, & omnis mortui  
 posteritas degradetur sanguine

Sunt ne hæc serua satis? sunt ne satis  
 aspera (mi Gerarde) in auitæ, paternæq;  
 religionis professores? & tamen ministri *Iniquitas*  
 nostri, nouatores isti nostri, euangelicæ *mira mini-*  
 doctrinæ buccinatores nostri, ex christia- *strorū An-*  
 næ (si Deo placet) mansuetudinis imitato- *glorum.*  
 res, clamant in dies è suggestis, libris scri-  
 ptis peringeminant, sermone quotidia-  
 no magistratus, & principis auribus in-  
 culcant:

culcant : nimiam esse lenitatem, periculosam esse clementiam, culpandam, & nō ferendam totius regiminis in catholicos tolerantiam . Sed vide præcipitatam hominum inuidorū & furiosorum amentiam .

Est ne vllum scelus , aut flagitiū, quod acerbioribus possit coerceri poenis, quā eis quas descripsi? est ne vllum genus facinorosorum hominum, quod pluribus possit sepius legibus, includi poenis, patere periculis, exponi damnis, quā Catholici in Anglia his legibus exponuntur? & quid tandem deliquerunt isti? aut quodnam crimē est fides aorum, & patrum nostrorū? Aduersarij aliquando communionis nostræ, nunc arrepta fide Caluini, Lutheri proiecta, nostraque contempta, dominos se nostros constituerunt, & sedibus expulsos, omni nos dignitate & loco mouerūt . Non quærimur : fruantur liberrimē . At quid vltius progrediuntur miselli? cur animas etiam nostras expetunt? quare sæuiunt in sanguinem? cur non exaturantur nisi morte, vel extrema calamitate nostrā? Si de fide solum decertatur, sunt aliæ seculæ non minus Caluino, quam nos inimicæ :

micæ: & tamen vtuntur perbeneuolis his ministris. Si aliud autem subobscurè lateat, & si Verres legem repetundarum timeat: liberamus eos hac molestia, securitatem facimus, cedimus iure nostro. Tantum petimus, ne exitio nobis sit, & odij causa sempiterni, quod aliquando patria fuerimus potiti: nisi enim hoc ipsum fuisset, ipsi iam nullā rempublicam haberent.

Atque hæc de legibus: quarum prætex tu quantum in nos possunt aduersarij, tu vides: quantum autem volunt, res ipsa demonstrat, cum hac asperitate minime contenti, duriora, & acerbiora quotidie deposcunt. Et tamen equidē non arbitror, tam durum esse posse, aut ferreum cuiusquam hominis christiani pectus, (si humanitatis sensum cum fide non exuisset) quin ijs quæ nostri patiuntur, commoueatur.

Neque enim fingi potest quicquam, in vlllo fere genere calamitatis luctuosum, quod in dies non perferant: neque cogitari aliquid, in vlla conditione hominum, acerbum, quod in dies non sustineāt. Verissime possunt cum Apostolo dicere: *in tribulationibus, in necessitatibus, in angustijs, in* *Conditio  
Catholico-  
rum in Angli-  
a.*

2. Cor 6.

*stijs, in*



*stis, in plagis, in carceribus, in seditionibus, in laboribus. Et cum eodem Christi militie alio*

*2. Cor. 11. in loco. Periculis in ciuitate periculis in solitudine, periculis in mari periculis in falsis fratribus, in labore & arumna. Inimmo illud etiā licebit addere quod addit Apostolus: in mortibus frequenter, Denique neq; illud ab eis alienū est.*

*Hebr. 11. Ludibria & verbera experti, in super & vincula carceres, distincti sunt, secti sunt, tentati sunt, in occisione gladij mortui sunt. Postremo*

*1. Cor. 4. & illud propriissime conuenit: spectaculum facti sumus mundo, & angelis, & hominibus. Maledicimur, & benedicimus: persecutionem patimur, & sustinemus: blasphemamur, & obsecramus; tamquam purgamenta huius mundi facti sumus, omnium peripsema vsque adhuc,*

*Vt autem hæc omnia manifestius appereant, non erit forsan alienum à proposito, si parti uiatim adhuc magis singula, quæque oratione perlustraui,*

*Extremū  
supplicij  
Catholico  
rum.*

*Ac primum de supplicio quidem extremo, nemini opinor esse posse dubium, quot, & quales viri acerbissimæ morti propter religionem sint traditi, hoc est, strangulati, exenterati, dessecati, elixi, & per æra dispersi: quibus etsi (ad maiorem con-*

*tumeliā)*



tumeliam) maiestatis crimen, aduersarij affixerint: tamen res in manifesto est, nec ipsis etiam diffidentibus, solam religionē in causa fuisse necis.

Non loquor hic de illa sanctissima multitudine præsulū, Doctorū, Sacerdotū, aliorumque Christi confessorum, quos vel carcer squalore confecerit, vel mærore, aut inedia consumisperit, quorum causas solius Christi tribunali deferimus: tantum de illis sermonem facio, qui publice & vniuersorum in oculis, veritati testimonium suo sanguine dederunt. Qui præter ipsos supplicij cruciatus, & illam communem contumeliam, qua non vt Catholici, sed vt reipublicæ proditores, (opinionē vulgi) moriuntur, habent etiam (vt plurimum) hoc honoris & meriti, post mortē adiectum, vt disseminatis libellis infamantur, proiecta in mores, aut doctrinam, insigni aliqua eumentita calumnia.

Sic nuperrime cum Euerardum Han- *Infamatio post mortē,*  
sium pium, & zelosum Christi presbyterum, patibulo publico suspendissent, veriti ne quisquam innocentis forsan martyrio commoueretur, nescio quæ errorum

& paradoxorum monstra, duobus cōtra-  
rijs impressi libris, & alterum altero inpu-  
gnantibus, homini mortuo attribuerint.

*Paradoxa  
Hansio fal-  
so attribui-  
ta.*

Quale est illud: Pontificem Romanum non pos-  
se peccare cum Hansius, errare solum non  
posse dixerat, expresse de fidei doctrina  
vniuersæ Ecclesiæ proponenda loquens.

Item illud: nullum principem (excepto Romano  
Pontifice) Primatū ullum, suis in Dominijs tenere.

Cum ille solum de primatu Ecclesiæ Ca-  
tholicæ, in causis Ecclesiasticis affirmaret.

Item illud. nullam proditorem contra Reginam  
Angliæ, peccatum esse. Cum ille iam morti  
proximus, iterum atque iterum repetitis  
verbis apud turbam assereret, se non  
de omni proditione, sed de illa sola lo-  
cutum, ob quam immerito moriebatur,  
& quam aduersarij iniquissime proditio-  
nem appellabant, cum vere nō esset aliud,

*Fidei capi-  
ta facta la-  
sa maiesta-  
tis crimi-  
na.*

quam fidei Catholicæ necessaria confes-  
sio. Iam enim ex superiori legum cata-  
logo manifestum est, quam multa nostræ  
fidei capita ad læsæ maiestatis crimen at-  
traxerint.

Hoc ergo aduersarij nostri, ab antiquo-  
rum persecutorū improbitatē adiungunt,

vt ne causam quidē ipsam martyrij ( quā  
tamen illi fatebantur ) patefaciant. Quam-  
quam sane, huius etiam iniquitatis non-  
nulla semina, primis illis temporibus à ca-  
codamone sint iacta, cum Paulus tanquā, *Act. 24.*  
*Pestifer & seditiosus*, Christus aut Saluator, *Luc. 24.*  
*Vt plebē subuertens, & Casari prohibens tributa,* *Magna fe-*  
*ritas.*  
traducti sunt iniustissima calumnia.

Nunc vero quantis opprobrijs, quibus  
vociferationibus, quot irrisiōibus quam  
amaris salibus, quā acerbis & virulen-  
tis conuicijs, quo strepitu frementium, at-  
que maledicentium, hi nostri martyres  
strangulentur, & insperantibus omni-  
bus dilanientur: non est, opinor, operæ  
pretium describere: res atrox est aspectu,  
& narratu truculenta. O miseros nos, qui  
in hæc tempora sumus delapsi, vt in chri-  
stianos ob fidem christianam exerceri tan-  
tam rabiem à christianis cernamus.

Hæc de supplicijs: dicamus pauca, de  
præcedentibus ante mortem contumelijs;  
sed res est infinita, paucis non potest ex-  
plicari: nec enim ipsis Mauris, Getulis,  
Tartaris, Sarracenis, Turcis, aut quibuscū  
que Christi coniuratis hostibus, tam esse

*Contume-*  
*lia quas pa-*  
*tiuntur Ca-*  
*tholici.*

ludibrio Catholicos existimo, quam sunt istis nouis euangelicis, contemptus & omnis contumelia plenissimis. Si in sacro faciendo sacerdotem offendunt incredibile est, quam impie, & contumeliose se gerant. Sacerdotem ipsum prius domi male mulctatum, educunt in publicum, & eisdem prorsus vestibus indutum, quibus ad altare steterat, per plateas, & villas circumagitant, inspectantibus omnibus, irridentibus vniuersis, nonnullis autem inspuentibus, plurimis vero conuiciantibus, & singulis fere Christi seruo iniuriam aliquam particularem inferentibus. Inde condunt in carcerem, ferris ligant, compedibus onerant: si videtur, torturæ subijciunt: si minus, verbere conuinciorum omnium diuexatum, protrahunt ad iudicium, & ibi simul cum omnibus ad Missam eius præsentibus, condemnant ad carceres & ad solutionem illarum pecuniarum, quas supra solocendas ob hoc auditæ Missæ flagitium demonstraui.

Postea vero si commodum quouis modo suis rebus existimant, hominem perimere: interrogant de quibusdam præcedentium

dentium legū capitaliū articulis, quæstionesponunt capriosas, & subtiles, vrgent vt directe, & perspicue respondeat. Quid plura? facile eliciunt quod rei sufficiat:  
*Im promptu enim baculus, quo cedas canem.*

Atque hoc loco, quoniam de carceribus facta est mentio, & tu id litteris nominatim requiris: adjiciam etiam nonnulla de carceribus. Quorum illud erit primum, omnes esse refertissimos catholicis, ita vt vix sit latronibus locus. Multi recēter exardificati non sufficiunt: turris Londinensis, proditoribus assueta, nunc abundat sacerdotibus: immo Briduelo nostro, meretricibus proprio, & scortis infami, non deest sua pars. Nuper enim virgo quædam generosa, & tenera, ob fidei confessionem paulo constantiorem, fuit in eum locum à Superintendente Londinensi protrusa.

*De carceribus narratio.*

*Hæc de nostra Tomsonia dicitur.*

De internis inclusiorum necessitatibus, & angustijs nihil audeo affirmare, ne afflictis concitem querela mea maiorem afflictionem. Illud tamen commune est, prohiberi amicorum aditu, excludi sermonis, & litterarum commercio, aduen-

tantum fieri obseruationem, ne quis illis possit, aut eleemosynas largiri, aut alia pietatis opera, sine periculo præstare. Narratur autē & duriora multo, maxime inergastulis Eboracensi, & Hultonensi, circa victus rationem. Sed quia de custodum peculiari quadam proteruia proficisci illa possunt: non attingam his litteris tamquam communia.

*De carcere  
re Lan-  
sonsi.*

Illud tamen de Lansonēsi carcere Cornubiensis prouinciæ, & certum est, & indignum. Cum enim sex, opinor, aut octo, in eandem speluncam compingerētur, licet perhonestæ conditionis essent, magna-que ex parte, generosis è familijs: cibis tamen nec dabatur, nec permittebatur nisi putidus, & ostiatim emendicatus, nec vsus aquæ præterquam corruptæ. Secessus vero non alius ad corporum necessitates, quam illa ipsa, in qua discumbēbāt, area. Sed illud ex omnibus caput est, quod cum isti tandem de hac inhumana sæuitia cæpissent queri, minatus est vltius ergastularius, ad equorum præsepia colligatos, se instar iumentorum deinceps pauiturum. Denique tamen, amicorum  
affi-

*Mira in-  
humani-  
tas.*

affiduitate & industria factum est, ut ab hoc carcere ad Londinensem, milliaribus plus minus ducētis, custodia publica trāsmitterentur. Cuius quidem peregrinationis, hæc erat ceremonia.

Imponebantur equis cum macris, tum miseris: sine freno, sine calcare, cæterove apparatu equestri: equi longa serie alter ad caudam alterius subnectebātur. Equitātibus, pedes sub equorum pectore, brachia à tergo reuinciebantur. Cum ad vrbes, & oppida appropinquabatur, erat qui præcurreret renunciaturus incolis, aduentare papistas, hostes Euangelij, & inimicos reipublicæ. Quia voce populus excitatus, & gregatim ædibus effusus in plateas, excipiebant aduentantes quibus poterant contumelijs.

*Mod⁹ quo  
ducuntur  
Catholici  
captiui in  
Angliæ.*

Simili plane pompa, ad opprobrium, & omne genus ludibrij composita, duxerunt nuper per ciuitatem Londinensem duodecim viros orthodoxæ fidei, quorū erant quinque presbyteri, reliqui conditionis bonæ & fortunæ. Horum illud erat crimen, quod in eadem domo cum Edmundo Campiano Societatis Iesu, viro

*Edmūdus  
campianus  
societatis  
Iesu i triū  
pho du-  
ctus.*



doctissimo, & innocentissimo, orantes & sacra Catholica facientes, sint inuenti.

Cui tanquam seditioso, ob æquissimā suæ fidei ministris oblatam disputando defensionem, aduersarij volebant infamiam cōcitare, in eumque finem, spaciosam charitam maiusculis litteris odiosissime descriptam, in illo triumpho gestare capite cōpulerunt. Quod ille non aliter tulisse dicitur, quam Christus suæ crucis inscriptionem pertulit, pacate, modestissime, & animo lato, vultuque sereno.

*Tormenta  
que Catho-  
licis dantur  
in turri Lon-  
dinenſi.  
Causa le-  
ues sortu-  
ra.*

Tandem cum peracta tragoedia in arcem Londinensem peruenissent, sicut reliquis antea Dei seruis, maxime vero sacerdotibus fecerant; ita nunc Campiano cruciatus, & tormenta crudelissima subicerunt, quibus elicere volebant, quibus in locis commoratus fuisset, quorum in ædibus hospirio receptus, quorum beneficio, & liberalitate sustentatus, ad quos diuertisset, apud quos sacra, & diuina peregrisset, quibus consilia sua communicasset, quorū opera, & in dultria fuisset vsus, & vt verbo dicam, quinam per Angliam catholicæ fauerent religioni, & quinam animis



animis Calvinisimo repugnarent. O grandia piacula, de quorum vel sola suspitione, homines liberi exerceantur tã ex quifita quæstione.

Quando hoc vſpiam facitatum prius est? In qua vnquam Scythia, vel relatu auditũ, vt homines ingenui, litterati, liberaliter instituti, sacris functionibus presbyterij dicati, more seruorum in cataſta diſtendantur, doloribus diris & cruciati bus diſtorqueantur, ob ſolam conſcientiã religionis auitæ, niſi ad pœnam velint pro dere ſuæ fidei participes, quod iure gentium, & naturæ officio, & communi hone ſtate, omnique religione prohibentur facere? Eſt ne hæc torturæ iuſtiſſima cau ſa? eſt ne hæc ſatis efficax ad quæſtionem ratio? præſertim tam immanem, tam cru delem, tam ſeruilem de liberis? hoc ne vnquam egerunt orthodoxi vel in perdi tiſſimos, aut in peruerſiſſimos hæreticos?

Certe ſi nihil aliud eſſet, quod virum oculatum, & attentum de fraude hæreſi admoneret, & de latente ſub hypocriſi perdiſſima nequitia; ſi opinionum noui tas, opinantium contrarietas, pronuncia-  
torum

*Hæreſis in  
initio deſi  
mulatio.*

torum in constantia, viuendi licentia, nihil quicquam proloquerentur: tamen, hoc vnum satis vniuersam dissimulationis machinam retegeret, quòd ipsi, qui tam recenter humanitatem omnē professi sunt, & qui ecclesiam Christi Catholicam, ob æquissimam disciplinam, legibus iustissimis & antiquissimis descriptam, tam atrociter insectari sunt, nunc tantam sæuitiam in rebus suo pondere leuissimis adhibeāt, quantam vix barbari in atrocissimis exerceant.

Parcat dolori meo, si cui asperius hoc videbor dixisse. Irascor enim, non tam hominibus qui ista perpetrarunt, quibus veniam à Deo meis precibus depono, quam hæresi, quæ viros natura non crudeles, immo satis ad lenitatē, & mansuetudinem propensos, in tantam abegit, non dicam feritatem, ne offendam, sed asperam profecto iracundiam in luos, vt nec patriæ propinquitate, nec integritate vitæ, nec elegantia litterarum, nec ætatis flore, nec libertatis iure, nec sacerdotij priuilegio, nec verborum deprecatione, nec lachrymarum copia, in viris innocen-

tibus

tibus commouerentur , nec ab inferenda vi extrema & immani retardarentur. Deum optimum Maximum , & potentissimum ob testor, vt hoc ingens peccatum illis non imputeretur , sed potius inueniant in die Domini misericordiam qui in die suo, hoc est, humano, misericordiam nullam suis fratribus fecerunt.

*Esa 13.  
1. Cor. 4*

Mitto iam cætera, quæ hac in arce Londinensi perpetrantur , & tollerantur, quæ licet plurima , & grauissima sane sint , minus tamen nobis constare possunt, propter arctissimam custodiam, qua sermo ab externis, & omnis afflictorum eiulatio intercluditur. Immo non est mediocris aduersariorum in eo contentio , vt quæ clâ inferuntur , non innotescant foris plagæ: sed tenebris potius, & caligine sepeliâtur, & densa carcerum occultantur cæcitate. Si autem erumpant aliquando, vel ipsis inuitis , & vox miserorum lugubris inaudiat: offenduntur atrociter , & vel negant quod factum est , vel lepore quodam eleuant.

*Arcta custodia castri Londinensis & asperitas eiusdem*

Bis nuper Campianus Iesuita tortus est equuleo: quis aduersariorum non per nega-

negabat? Tandem tamen res innotuit, Campiano ipso in turba hominum hoc proficiente: at ludus erat (inquiunt aduersarij) non serio, sed ioco fere torquebatur: eodem modo de alijs prius tortis luserant. Tam delectabile est, facietis hominibus de miserorū cruciatibus iocos facere.

*Aduersa-  
riorum co-  
suetudo  
querendi.*

Sed habent adhuc aliud huic castro perfamiliale stratagema: ut affingant nimirum incluso quod placuerit, & inde ad infamiam foras disseminent, aliorumque in Catholicorum fraudes. Res late patet, & abundat exemplis, sed breuitatem secuti, vnum solum, aut alterum apponemus.

Campianus captus & tormentis agitur, confessus dicebatur quæcunque postulauerant, præsertim apud quos, & quibus in locis fuisset. Addebatur etiam ad mendacij plenitudinem, sponsionem nescio quā recantationis ab illo fuisse factā. Sed hoc nemini probabile videbatur: illud autem nonnullis reddebatur subdubium ex ingenti aduersariorum asseueratione. Multi enim viri generosi & nobiles suis ædibus Londinum euocati, vrgebantur Campiana confessione, cum ille ta-  
men

men (vt de iuceps apparuit) ne vnum quidem verbum cruciatibus concessisset.

Simile huius est, quod eiusdem castri præfectus affirmavit apud publicum iudicij confessum (quo ceteros exemplo in fraudem induceret) nullos esse suæ custodiæ subiectos Catholicos, qui ecclesiam aduersariorum adire recularent, cum tamen constaret omnibus, eosdem quos ille signabat, non nisi compullos, & vi tractos, concionibus quibusdam affuisse, quibus tamen semper, & aperte resistebant, & concionatorem a conuicijs ad argumenta deposcebant, idque præsentem præfecto, & graues sæpe conpedes iracunde minitante. Denique quot, & quanta, hoc inclusi carcere, in omni genere pressuræ sustineant, difficile est scribendo differere, illi tamen ex parte loquuntur, qui præsentem aliquando rei interfuerunt, e quorum fidelissima relatione, hoc vnum, coniecturæ causâ de reliquis, ascribam.

Iuuenis erat loco bono prognatus, & litterarum in studijs non leuiter versatus, (Doctissimo enim viro Harpesfeldo, qui Christi causâ mortuus est in carcere, præcepto-

*Apud cæ-  
misia: ma-  
la publica  
Lōdinenf.*

*Coperus &  
cebat.*

ceptore & domino fuerat usus:) hic religionis & studij causa, iter in has partes designauerat. Ad quod accinctus iam, collecta quam habuerat vel pecunia, vel supellectili, ad ipsum portum transfretandi causa properabat. Sed re, nescio quo casu, diuulgata, comprehensus est a magistratu, & Londinum remissus: vbi primum spoliatus bonis vniuersis, & coniectus in arcem Londinensem, seruabatur arctissime; in ea parte carceris, quæ turris Becheama dicitur, excluso quidem omni solatio humano, excepto solo lectulo, qui ægre permittebatur, ab amicis transmissio. Post aliquod deinde tempus, iuuenis ætate non robustus, liberoque cœlo, & flumini assuetus, partim inedia, & frigoris asperitate, partim etiam squallore loci, & auræ corruptela, in capitis quandam perturbationem, aut vertiginem videbatur incidisse.

*Inaudita  
medicina.*

Qua re præfecto castrî renunciata mirabilem adhibuit morbo medicinam. Iussit enim auferri lectulum, ut humo nuda discumberet, ad sanitatē recuperandā. Quid multa? breui mortuus est inuentus, frigoris & inediæ cōsumptus viribus cuius rei, illud

illud extitit publicum testimonium, quòd cum calilas ei ad sepulturam detraherent, caro frigore putrefacta, adhæsit caligis: & ossibus auulsa, decidebat in frustra: miserabile spectaculum inhumanæ eiusdem feritatis & sæuitiæ. Viuunt tamen qui hoc oculis viderunt, & nominari a me possēt, nisi illis esset periculosum.

Et quoniam de hoc genere sermonem cæpi, ero pmissio meo liberalior, & vnū aliud adijciam, vt videas quam abundem copia, si vellem ea in his exemplis vti. Iu- SHYRO-  
DVS.

uenis quidam superiori non dissimilis, Catholicus confessoris filius, frequentabat domum nobilis, & generosæ matronæ, cuius filius matri contrarius, Caluino plenus, fu- Filius  
Martini,  
mater do-  
mina Tra-  
gonia di-  
cebatur.

rebat animo, quòd huius auxilio in domo materna fieri non raro Catholica sacra luspicabatur. Cum ergo quodam tempore, hunc obuium in platea Londinensi haberet: exclamauit voce perquam fera, proditorem, heu capite proditorem. (hoc enim nomine nos appellant ad odiū, & hac nos afficiunt iniustissima ingnominia). Ciues audito hoc verbo, exiliunt officinis, homini manus iniiciunt, & ad iudicium proximum



mum tribunal abripiunt. Vbi cum venissent, vociferator nihil habuit quod accusaret, nihil quod obijceret præter solam suspitionem religionis catholicæ (neq; enim de facto valebat conuincere). Iudices tamen, hominē non dimittebant, quia odiosissima est accusatio religionis, & adiuuanda iudicum ipsorum interrogationibus, si quando accusatori desit quod opponat. Interrogant ergo de fidei capitibus, quid crederet, quid ve sentiret: tādē argumēto extorquent, illum sentire Pontificis Romani summam esse debere auctoritatem, in rebus etiā Angliæ Ecclesiasticis.

Ad castrum ergo Londinense transmittitur, & in abditissimam specum, iuxta locum tormentorum, reconditur. Interim cubiculum diripitur, quod habebat in ciuitate, & distrahitur quicquid erat bonorum, simul etiam nonaginta plus minus aurei, qui alieni fuerant, & pauperrimo, afflictissimoque patri debebantur, in reliquorum societatem abripiebantur. Ille in carcere tormentis exercebatur, vt indicaret quibus locis, audiuiſſet Missas (nam ipse sacra facere non poterat, cum adhuc  
esset

esset laicus.) Post maxima tormenta ingēti animi magnitudine tolerata (sic enim fatebatur quidam qui interfuit aduersarius,) protrudebatur in antrum perobscurum, & atrum, sine lumine, sine lectulo, sine veste necessaria. De victu autem licet facile conijcere, cum nulla pars suorum bonorum ad vitæ sustentationem permitteretur. Immo quod horret certe animus referre, cum vir quidam pijsimus, fama huius extremæ calamitatis permotus, pecunias quasdam dono misisset, & mediāte quodam incluso, particulari huius custodi tradisset, (habet enim quisque particularem in hoc castro custodem) custos acceptam pecuniā postridie retulit, affirmans præfectum castri nolle hunc miserum huius eleemosynæ frui beneficio. Rogatus tamē vehementissime vt aliquid in illus opem expenderet, negavit se omnino posse, exceptis solum duodecim circiter assibus, ad stramen comparandum, in quo discumberet, tam infensus erat pauperulo præfectus.

Denique post sex, opinor, menses hoc acerbissimo martyrij genere transactos

D protra-

*Hic erat  
Roperus  
gener The  
ma Mori.*

*Hoc est sex  
denarius  
Anglicanus.*

*Protestan-  
tium in Ca-  
tholicos  
morientes  
immiseri-  
cordia .*

protractum in publicum suspendunt la-  
queo, & deinde reuiuiscētē affligunt cæ-  
teris cruciatibus, qui reipublicæ prodito-  
ribus infligi solent: & longe maiori trucu-  
lencia quam cæteros. Sunt namque aduer-  
sarij immitiores in nos quam in quoduis  
genus facinorosorū hominum. Illis enim,  
si hac eadem morte mulctādi sunt, vel lar-  
giuntur ex misericordia, vt suspensio ex-  
pirent, priusquam detruncetur, vel cer-  
te ex præcepto legis præstant, vt semimor-  
tui saltem sint, ad retundendos sequentiū  
tormentorū dolores. At orthodoxos  
postquam suspenderint, magna furoris  
contētione nitūtur, vt abscisso statim capi-  
stro, viuos, & viuaces, & integris plane sē-  
sibus, ad cruciatus reliquos perducant,  
quod tam impigre nonnunquam, dextre  
que perficiunt: vt plerunque non solum  
persentiāt acutissime, verum etiā articula-  
tim, & distinctè loquantur post eruta sibi  
ilia, & cum iam ipsum, etiam cor, carnificis  
digitis palpatur abripiendum.

Neque hoc cruentum spectaculū quic-  
quam immittit aduersarijs misericordiæ,  
sed ridētes ludunt, & morituris insultant,  
præser-

præsertim si quis dolore victus gemitum ediderit (quod rarissime tamen fit) ita qui <sup>Fulcus.</sup> dam eorum concionator non mediocris, libro quodam impresso colligit, nostros vere martyres non esse, quia vnus eorum (vt affirmat ipse) in his cruciatibus eiulatum quendam edidit tanquam infernalis canis, vt ipsissimis illius verbis vtar. O sententiam concionatore dignam. O nouam, noui Euangelij charitatem. Quis vnquam prædo gladiatorius, huiusmodi vocem nõ erubuit proferre? Quis vnquam sicarius, mentem tam immitem, & barbaram demonstrauit?

Sed profecto videntur isti ab humano plane sensu degenerasse, & nescio quæ viscera feritatis induisse, obliti penitus illius sententiæ: *Iudicium sine misericordia illi,* <sup>Iacob. 2.</sup> *qui non fecit misericordiam.* Et maxime illius: *Cor durum male habebit in nouissimo.* Hoc non <sup>Eccles. 3.</sup> solum ex eis quæ diximus perspicitur, verum etiam ex infinitis alijs, quæ nunc a me persequenda non sunt, ne longior sim quam libellus patiatur. Quædam tamen ad exempli rationem annotabo, quæ rem clarissimam, & manifestam reddant.

*Truitus*  
*Roberti*  
*Tiruiti* e-  
*quis* fi-  
*lius.*

Adolescens quidam magnæ, & honorificæ familiæ, vocatus in crimen auditæ Missæ, quæ sororis in nuptijs dicebatur celebrata, fugerat quidē e domo paterna, & Londini se abdiderat superiori anno. Vbi ex labore fugæ, & æstatis (opinor) intemperie, in gravem febrim incidit. Quod ubi cognitum est aduersarijs, accurrūt statim, euellere volunt ædibus, carceribus inferere, ut erat languidus & afflictus ægritudine. Res visa est inspicientibus cum inhumana, tum funesta: orant, obsecrant, ut hominis ægroti rationem habeant, nō addant afflictionem afflictissimo, vitam non effundant generosi, nobilis, & pulcherri mi adolescentis: securitatem offerunt, quātam velint, sistituros in iudicio, quā primū conualuisset. Sed non recipitur. Adsunt medici, qui affirmant, actum esse de salute, si loco moueatur ad carceris incommoda. Non curatur. Vi rapiunt hominem ad ergastulum: recludunt carcere: moritur biduō: sepeliunt, nihil habentes, vel pensī, vel scrupuli.

*Damianus*  
*Dimmoc?*

Vir illustris & magnanimus, peculiari quadam dignitate armorum spectabilis,

&

& clarissimi comitis Lincolnienſis gener cum paralyſi membrorum vehementiſſime nonnullis iam ab annis laboraſſet, ita vt nec domum egredi, nec loco pedem eſſe ferre poſſet, niſi ſeruorum manibus ſubleuatus: accuſatur tandem de religione Catholica apud Superintēdentem illius prouinciæ (eo enim vocantur nomine, qui antiquorum epiſcopatum poſſeſſionibus incubant) deſertur vt auitæ fidei ſuſpectus, & citatur in iudicium tanquam Catholiciſmi manifeſte reus. At homo paralyticus non comparuit: excuſat ſe tamen diligenter per litteras, ſed non admittitur. Accurrit domum Superintendens ipſe, perluſtrat oculis hominis impotentiam, ſed non mouetur. Comportari vult ad carcerem: quid multa? nec ætas viri, nec conditionis dignitas, nec generis amplitudo, nec magnatum propinquitas, nec membrorum paralyſis, ab ergaſtuli moleſtia liberare poterant.

Quid ergo? breuiſſime his incommodis moritur: Sed nec morientem dimittūt. immo diuexant, & affligunt magis: adſunt enim ægrotanti, adſunt conſigenti cum

mortis doloribus, adsunt animam agenti, adsunt iam spiritum efflaturo, quiescere non sinunt, mori qua ratione cupiebat, nō permittunt, (cupiebat autem, vniuersalis Ecclesiæ Christianæ cōsuetudine) sed obtrudūt se ministri, suasq; preculas ingerūt, quas ille sanus cōtēnebat, ægrot<sup>9</sup> clamore respuebat, iā mutus & semimortu<sup>9</sup> vultu, signis, corporisq; gestu detestabatur. Quid hoc immitius, aut crudelius fingi potest?

Sed nec illud omittendum est, quod eodem tempore, eadem in ciuitate contigit. Fœmina enim generosa & inuenis, impetrata prius venia, ad maritum religionis causā captium, officij, & visitandi gratia, carcerem est ingressa. Quo cognito, Superintendens, tamquam in laqueum incidisset suum, iubet etiam ipsam recludi custodia: qua vel inhumanitate mota, uel p̄fidia territa, vel intēperie loci laesa mulier, occupatur breui à agrauissimo morbo, & in manifestum vitæ periculum incidit. Cumque iam in horas expiratura videretur, coniux dolore percitus, vehementer obtestatur vt vel ad diem, extra carcerem collocari posset, & matronarū  
frui



frui auxilijs , sed non impetrat.

Satis iam diu sum in carceribus , (Gerarde) & multum in hoc genere videatur forsan substituisse oratio. At ubi sim (quæso,) libentius quam cum nostris? quid dico nostris? immo cum Christi Dei & Salvatoris amicissimis? quorum vita, lux nostra, constantia, exemplum nostrum, fortitudo, decus & honor noster, mors denique, gloria nostra? unde, fateor, quod licet absim corpore, spiritu tamen semper versor cum illis, nec vnquam animo elabuntur meo. Antefero enim catenas eorum, præfero carceres, præpono contumelias, cuiusvis Cræsi, vel opibus, vel diademati. Relinquerem tamen hos, inclusos ad tempus, & egrederer ad eos, qui foris iactantur, nisi admoneret me locus ipse, ut priusquam digrediar, mentionem facerem de quadam aduersarij vel astutia, vel latebra, quam occasione carcerum captat, & tuetur. Intelligo autem disputationis illius fucum, quam offerre captiuis videri vellet, liberis vero ne postulatus quidē cedit. Immo vero, nec inclusis ipsis, vlla æquabili cōditione, aut lege: Sic enim res habet.

*Disputa-  
tionis fu-  
cus quo u-  
entur ad  
uersarij.*

Viginti plus minus abhinc annis, postquam indicta causa nos expulissent aduersarij, & sedibus iam potirentur nostris, ut quod viribus occupassent, viderentur vulgo iustitia tenere, obtulerunt scriptionis certamen in controuersia: vocabant ad scribendum, quotquot erant nostrarum partium, vel re, vel opinione litterati, eam apponentes conditionem, ut qui scribendo superiores, ij etiã veritate firmiores haberentur.

*Protestantes prouocant Catholicos ad scribendũ & tamen eorum liberos prohibent.*

Arripiunt auidissime conditionem nostram, scribunt Anglice pro fide Catholica, viri doctissimi, exilij licet incommodis affecti, Sanderus, Hardingus, Feknamus, Alanus, Heskinus, Stapletonus, Marshallus, Dormannus, Rastallius & alij. Exponunt luculenter quid esset controuersia: quid rationis, auctoritatis, veritatis à nobis: quantum vero doli, falsi, ruinæ, ab aduersarijs.

Cum illi se læsos hoc artificio suo, & se re prostratos hoc aperto martis certamine viderent: excogitarunt aliud, rebus quidem perditis necessarium, licet estimationi minus consultum refugium. Ob-  
tinue-

tinuerunt edictum regium atrox, & minacissimum in eos omnes, qui huiusmodi libros (quos ipsi prius postulauerant) haberent, legerent, reciperent, aut importerent. Exinde non est facile existimare, quanta sint nostri perperssi ob hos libros. Multi in carceres coniecti, nonnulli ad quæstionem rapti, alij iuramentis examinati, quidam non leuiter mulctati, pluri- *Persecutio ob libros catholicos* mi in fugam acti, infinitæ domus de nocte quæsitæ, per lustratæ, & exagitatæ ob solam librorum horum vel tenuem suspicionem. Si quis liber inueniebatur, iusta erat materia atrocis accusationis: si quis peteret libro, ab aduersario responderi, grauis suspitio non boni subditi: si quis vel verbo librum defenderet: heu planū indicium animi proditorij.

Cum has in angustias redactos se nostri cernerent, vt causam dei, & vniuersalis Ecclesiæ, neque scripto possent, neque verbo tueri sine summis incōmodis atq; molestijs: fecerūt id quod viros bonos, & orthodoxos decebat: Corpora carceribus, manus vinculis, bona direptionibus, vitam etiam mortis periculis, pro rei na-

te occasionibus, submittebant. Interim tamen, ne causæ diffidere, & Dei negotium silentio prodere viderentur: pacato, & tranquillo animo, collationes æquas cum aduersarijs postulabant, & quāta poterāt submissione, aut vehementia, magistratū omnem obtestabantur, vt vel publica admitteretur de rebus religionis controuersis disputatio, vel priuata saltem æquis legibus, & conditionibus collatio.

*Vehemens  
Catholica-  
rū de obri-  
nenda pu-  
blica dis-  
putatione  
consensio*

Multi domi, multi foris, hoc prece perurgebant, non nulli gratia contendebant, quidam qua licebat, auctoritate, premebant, plurimi rem alijs modis promouebant. Offerebant se nostri, summa licet per incommoda, solo principis verbo nixos, ad hoc certamen, veritatis causa libētissime descensuros, ea sola spe, quod non nullas animas Christi sanguine redēptas, & hæresi contaminatas, diuina iuuante grātia, posse reuocari disceptando confiderent. Aduersarijs itaque libertatem omnē faciebant, vel domesticis vtendi, vel aduocandi exteros, ad lux causæ defensionem: statuendi diem, eligendi locum, mouendi quæstiones, præscribendi modum: deni-

denique incipien- si, finiendi, quiduis agen- di pro arbitrio suo, modo lex aliqua & ra- tio disceptandi seruaretur.

Sed quid tam multis tempus tero? ad- uersarius nihil horum volebat. Præuide- bat enim non insipienter, actum esse de suis partibus, si aliquando publice collato Marte decertaretur: refugebat ergo hanc publicam scholæ palæstram tamquam ni- mis illustre de sua fraude iudicium, secun- dum illud saluatoris, *Omnis qui male agit, Ioan. 9. odit lucem, & non venit ad lucem, ut non arguan- tur opera sua: qui autem facit veritatem, venit ad lucem, ut manifestentur opera eius, quia in Deo sunt facta.*

Tandem tamen, ne nihil agere videren- tur aduersarij, duo præstant securitatis & existimationis causa. Primo enim, acerbio- rem excitant in Catholicos omnes perse- cutionem, maxime verò in litteratiore, qui illis in hoc agone officere, posse disce- ptando crederentur. Itaque episcopum Lincolniensem, Abbatem Vvestmona- steriensem, reliquosque non paucos eru- ditionis solidæ, firmæque grauitatis, at- que virtutis antistites, Londino in castrū rustica-

*Timor pro  
testatiū in  
causa sua.*

*In castris  
de Vuisbū  
che.*

rusticanum eijciunt, libris denudant, & omni adinuicem colloquio, præterquā in mensa, priuant: alios in alias tenebras secernūt. Si q̄ foris erāt alicuius nominis, ad ferreos carceris cancellos reuocant, vt vel sic omnibus silentium imponant.

*Tras mi-  
nistros  
in faciendo  
disputati-  
onis fuco.*

Secundo, cum hæc ex animi sententia confecissent, proripiunt magno silentio in carceres. Adoriuntur inexpectato Catholicos inclusos, vocant impigre ad disputandum de fide, ne tempore quidem ad cogitandum dato, nec vllō inuicē colloquio permissō. Et ne alter alteri, vel esset adiumento, vel solatio, vel etiam testimonio: singulos (vt plurimum) separatim aggrediuntur. Si quis nostrum, oppondere conditionis iniquitatem, tempus petere ad meditationem, libros ad studium, colloquium suorum ad instructionem, cæteraque ad armaturam necessaria cæpisset: si quis etiam adijciebat (quod adijciebant multi) deesse iudicem ad ferendam sententiam, auditores idoneos ad præstandum testimonium. Notarios fidos ad excipienda argumenta: clamabant aduersarij, detrectare nos pugnam, verborum latebras

tebras quærere, & subterfugia. Qua importunitate commoti nonnulli, tradebant se quibuscunque conditionibus, sola causæ bonitate freti.

Sed quicquid demum afferrent nostri, minimi referebat; vel enim ab aduersarijs contumeliose reiiciebatur, vel odiose in crimen maiestatis trahebatur, vel ad plebem iniquissime peruertebatur. Horum exempla permulta quidem sunt, sed huic loco sufficiant paucissima.

Cum nuper in Christi sacerdotē, Hansium, sententiam mortis ob fidem tulisset orthodoxam, cumque ipse iam in carcere se præpararet ad supplicium: venit ad eum minister quidam, amoris quadā specie, & vultu composito ad hypocrisim pietatis, sed exitus declarauit fuisse plenū amaritudinem, & omni dolo ad decipiendum. Cum enim couicianti, & læsæ maiestatis crimē obijcienti, respondisset Christi martyr, se numquam in regiā peccasse maiestatem, sed tantum fidem professum esse catholicam, quæ lædere non potest maiestatem humanam, cum summopere maiestati placeat diuinæ: cum hæc (inquam) & similia dixisset

*Exempla varia conferendi seu potius calūniā diuini ministeris protestantiū*  
CROV-  
LEVS.



dixisset Hansius, adijciens præterea, se libentissime hanc mortem, subiturum, cum securus esset, se nihil vnquam in reginam commisisse sceleris, sed Deo potius illam pro officio commendasse, hocque crimē maiestatis, sibi attributum ab aduersarijs, nec esse reuera crimen, nec vllum, apud Deum peccatum: iste bonus Euangelicus tamquam abundantem nactus calumniæ materiam, egressus carcere, diulgauit in plebem, etiam libello scripto, & impresso, Hansium affirmasse, nullum crimen læsæ maiestatis apud Deum peccatum esse. Quod cum Hansius ad locum supplicij perductus, intellexisset, questus est publice de iniuria; mentem aperuit de sententia; & veniam petijt calumniatori de tam iniquo, & odioso mendacio.

*Trippus et  
Crouleus  
ad domi-  
nū Thomā  
Pondum.*

Duo ministri collationis causa ingre-  
ssi sunt carcerem ad generosum quendam  
aulicum, iam multis annis ob fidem capti-  
uum: apud quem cum diu contumelijs rē  
triuissent, & hominem blasfemijs fatigaf-  
sent, vt ipse per litteras conquestus est,  
nulla re vel stabilita, vel argumentis refu-  
tata: tandem ne ociosa esset omnis sermo-  
cinatio,

cinatio, inuitabat eos, ad aliquod certum principium constituendum, ex quo deinceps ad cætera discutienda possent progredi. Hoc autem erat: An priuatus spiritus particularium hominum, vel publicus vniuersalis Ecclesiæ, iudicare de sensu scripturarum? Ille enim, cum eos passim & perperam scripturam sacram citantes audiret, affirmabat non esse recurrendum in his controuersijs, ad solam scripturæ litteram, pro cuiusque priuati hominis arbitrio intellectam, (hoc enim modo hæres omnes defenduntur) sed ad Ecclesiæ vniuersalis, saltem vetustissimæ, certissimū iudicium, quæ Dei spiritu gubernata, verum & germanum scripturarum sensum proponit. Et quia ministri hoc fundamentum non admittebant, nec tamen refutabant, sed (vt solent) in angulos, & sinus, & flexus diuertebant: proposuit scripto (licet laicus, & in theologiā nō admodū versatus) sex firmas rationes suæ sententiæ, quibus à ministris responderi petebat, facultatē etiā postulans qua sibi liceret eorū responsa (si vbi vel deuia, vel infirma viderētur) oratione vel calamo cōfutare.

*Controuer-  
sia.*

*Necessariū  
principiū  
ad contro-  
uersias di-  
rimendas.*

Ministri

*In castellū  
de Strate-  
ford.*

Ministri accepta chartula ad Superintē-  
dentem properant Londinensem: querū-  
tur de hominis pertinacia, quod ipsis sua-  
dentibus, Calvinianus esse noller, quod  
etiam scripto tueri se auderet. Superintē-  
dens, ut est iracundus, & natura biliosus,  
inflammatur atrociter: animo designat ho-  
minem ad pœnam: exturbat Londino in  
arctiorem custodiam: cōdit in arcem de-  
uiam, & obscuram, ubi nec solis, nec lumi-  
nis, nec hominum fruatur conspectu: fer-  
ris premit, & ut singula non recenseam, af-  
fligit immensa & incredibili calamitate.  
Ministri securi iam de aduersario, edunt  
librum, & rationibus respondent ab illo  
propositis: cum in cœtētis, tum in cōiū-  
quissime agentes, quod statum quæstio-  
nis, & contrauersię disimulent, arguentes  
eum scripturas Ecclesię posthabere, cum  
ille non de scripturarum iam cognitarum  
auctoritate, sed vel de cognitione dubia-  
rum, vel de obscurarum intelligentia di-  
sputaret.

*WALKE  
RVS,*

Doctor theologus, & apud aduersa-  
rios in dignitate positus, venerat quodam  
die, non leui pompa, & comitatu ad ca-  
strum

strum quoddam disputandi prætextu (libenter enim persuadent hominibus, frequentia se nostris largiri certamina) conuocat in aulam castri quotquot erant ob religionem inclusi, iuuenes, Senes, Sacerdotes, Laicos: narrat se concertatum venisse, sumit subsellia, sedit cum suis. Et primo licet essent permulti numero, petit cuiusque nomen & sedem: si quis expedite non respondebat, exagitatione in credibili ferocia & bile. Deinde priusquam cæpta esset disputatio, quodam nescio quid intulerat de scriptura quod ille negauerat: perirascit senex, & nullo modo admittit, homini quod in scripturis esse: afferit liber, clarissimusque verbis recitat. Senex admovent perispectilia, & legit: sed alieno libro non adhibet fidem, suum postulat, rident sui, quid multis? re infecta discessum est, & seniculus, cum nihil se proficere cerneret, ruinam imprecatus est tantum castro, quam inclusis omnibus, presentem, & audiente, & erubesciente custode carceris. An quicquam hoc ineptius dici potest? Et tamen Catholici ab isto Hercule prostrati dicebantur, cum reuera vix vno argumento præter iurgia sit usus.

*Ad castrum  
Equis Mar-  
tij.*

*Sic miris  
conuicijs  
exagita-  
bat Cota-  
mum pres-  
byterum ip-  
sæ cognomen  
sine præn-  
mine de-  
disse.*

*EVLCVS  
ad castrū  
vuisbichē  
se.*

Est in aduersarijs minister quidam opinionione sua magnus, aliorum vero, mediocris, lingua non imparatus, sed ignorantia sui præceps. Hic non ita multo ante, gloriam sperans è contentione cum magnatibus, irreplebat in expectatus in arcē, quā viri doctissimi, & grauissimi, religionis causa tenebantur inclusi, Vvarsonus Episcopus, Iknamus Abbas, cæterique bono loco, & nomine prælati. Sisti iubet omnes ad suum conspectum: venisse se ait, ut religionis capita cōtrouersa conferret, annuit ut certamen aggrediantur. Illi, ut erant prudentes, cum viderent hominem nulla hoc auctoritate publica facere, aut certa lege conferendi, sed temeritate quadam sua ad honoris aucupium: facile contempserunt iuuenis superbissimi ridiculam leuitatem. Postquam ergo conditionis iniquitatem exposuissent, quod libri, quod tempus, quod cætera de essent: hominem suis ineptijs reliquerunt, & (quod eorum grauitati conueniebat) potius despectum, quam vexatum dimiserunt. Ille tamen, pro more, triumphum diuulgauit, & edidit librum de sua in illos victoria: in quo,

quo, cum multa falla, & plurima sint inania: tum nihil quod pro suis partibus (vel ipso narrante) quicquam conuincat, præter vanitatem.

Cæterum cum hic agendi modus paulatim innotescens, nonnullis etiam ex ipsis aduersarijs displiceret (genuerat enim fere publicam querelam, & iniecerat vulgo causæ perditæ suspicionem) fecerunt quidem hanc infamiæ medicinam, vt pollicerentur, breui futuram æquissimis conditionibus disputationē Scribit itaque. *Mense Novembri prærito 1580.*  
 Eques martius sui castri custodi, mādātq; vt disquirat si qui sint suæ custodiæ subiecti papistæ, qui velint disputando partes suas defendere: trāsmittāt scripto cōclusiones defendēdas: adscribant nomina: parent se ad præliū: ipsū renūciaturū statim, de modo, de loco, de tēpore certaminis.

Res placuit vniuersis. Tres nostri sacerdotes, ætate licet iuniores, & litterarum in studijs minus prouecti (robustiores em̃ & magis exercitatos omnes, Londino dimissos dixi) accipiunt causæ confidentia prouinciam: obsignatas cōclusiones, subsignatis nominibus, cum ingenti gratiarum

*Nonæ disputationis denuncia-  
tio.*

*BOSGRA-  
VIVS le-  
sita.*

*SHIRVVY  
NVS Coll.  
Rom. Ang.  
HARTVS  
Coll. Rhen.  
Angl.*

actione transmittunt : non placent ad uersarijs conclusiones: statuuntur aliæ pro illorum arbitrio: remittuntur: admittuntur à nobis: dies campi indicitur: excitatur ingens expectatio: quid deniq; ? pridie (opinor) quam dies expectatus aduenisset, defensores supradicti nostrarum partium, dimouentur hoc Equitis martij carcere, & in arcem Londinensem transferuntur ad quæstionem, vt qui rationibus petitis ab auctoritate non flectebantur, argumentis ductis ab equuleo excercerentur.

*Comes Leicesterensis.* Sed neque hoc ipsum Catholicos ab æquæ disputationis petitione deterrebat. Vnde vir quidam nobilis, & maiestati regię in primis à consilijs, fatigatus (opinor) quorundam importunitate consenserat tandem, vt quibusdam præcipuis viris, qui religionis causa custodia tenebantur, in hoc publico postulato, priuatim satisfaceret. Aduocauit enim eos in cubiculū suum, narrauit amore se commotum, vt morem gereret eorum desiderio, cupere, vt æquos se præberent, & attentos auditores, nec in causa profligata pertinaciter obstinatos : non dubitare se, quin ex hac



vna doctissimorum virorum cōcertatione  
facillime rei veritas vniuersa retegatur.  
Annuunt, & inclinant se nostri: gratias  
agunt de tanto beneficio, despectant tamē  
vndique si quem theologum orthodoxū  
cernant, qui partes disputando tueretur  
suas (nam adsrant ministri quatuor ad im-  
pugnandum, sed neminem reperiunt) mi-  
rantur: silent tamen, vt rei exitum obser-  
uarent.

*D. Laurentius HVM  
FREDVS  
cum tribus  
socijs.  
ADAM.  
Squier.*

Tandem e subsellijs minister vnus de-  
scendit, ingentibus prius suorū encomijs  
dilaudatus, & causæ se nostræ aduocatum  
profitetur. Quis abstineat a risu, si ratio lo-  
ci cachinnum admisisset? quæ nostræ cau-  
sæ non misereat, quæ suis destituta, solius  
hostis tutelæ committitur? Ille tñ fidā ad-  
uocationem promittit, & eleuatis in cælū  
oculis, sancte recipit defendendam, cuius  
ante se fuisse desertorē gloriatur. At quis  
ludenti credat, & nuganti? quis ioco dispu-  
tanti fidat de salute, cui (vt fama est) vel  
serio iuranti, vix adhibent fidem credito-  
res de pecunia?

Atque hæc ferè sunt quæ de ministro  
rum cum nostris litterraria dici possunt pa-

Disputa-  
tio cū P.  
CANPIA  
NO.

lastra. Nulla enim recordor cefisse aduer-  
sarios disceptandi certamina, præter hæc  
quæ dixi, excepta solū recēti disputatio-  
ne, quā Edmūdo Campiano Iesuitæ incar-  
cerato, bis torto, libris destituto, & rebus  
omnibus imparatissimo (præterquam cau-  
sa, & voluntate) sunt largiti. Cuius profe-  
cto disputationis, iniquissima multa his in  
partibus narrantur, ipsis etiā testibus qui  
interfuerunt, quorum forsā nonnulla vix  
hominibus doctis credibilia viderentur,  
nisi superiorum temporum exemplis ad-  
moniti, quiduis fere suspicari de hominū  
timidorum iniquitate cogeremur. Quis  
enim ignorat durissimum necessitatis telū  
esse? aut quis optime non intelligit, ad  
turpia deducere, causæ desperatæ ruinam  
& inopiam? Sed nunc egrediamur pauli-  
isper ad alia, satis enim de inclusis dixisse  
videor: quorum certe conditio si dura vi-  
detur, est tamen eorum vel durior, vel im-  
plicatior, qui libertatis quadam specie fo-  
ris viuunt, & procellis exagitantur. Carce-  
rum enim cancellis inclusi, cætera licet sa-  
tis calamitosi, eo tamen vno perbeati vi-  
dentur, quod mentis quiete, & tranquilla  
quadam

In carcere  
vinctus as-  
pecti quæ  
foris vin-  
unt Ca-  
tholici.

quadam serenitate fruuntur. Foris autem qui sunt Catholicis, hoc est, habitatione per Angliam dispersis, nec quiescere datur, nec vspiam consistere: Sed vexationibus perpetuis, tanquam fluctibus, & ventis iactantur. Quocunque enim loco pedem posueris, quacumque via, vel semita incesseris, cernes oculis luctuosa spectacula: hunc fugientem, illum latitantem, aliū mentita veste clam proripientem, quosdā captos perducī ad iudiciū, alios quæri, sed nondum comprehendī: multos se dūmetis, & sylvis continere: nōnullos interdū per campos versari, & non nisi multa nocte domos repetere.

Domi autem cum sunt, ne sic quidem vel ad horam securi esse possunt. Media enim de nocte irruunt non raro vi magna aduersarij, domum custodia circumcingunt, ne quis effugiat: loca singula scrutantur, etiam mulierum, & virginum cubilia: lustrant, versant, & euoluunt omnia: cistas & armaria, capsulas & scrinia; pixides & arculas: si quid inueniunt quod religionis infimulent, aut quod incrimen trahant, vel caluminiā: vt sunt, calices argentei,

patena, candelabra, cruces, libri, vestes, cæteraque ornamenta, quæ dicuntur Ecclesiastica: abripiunt prædationis iure, & Euāgelij. Et ne hæc ipsa solitaria perficiscantur, rapiunt etiam sæpe in societatem, quicquid adiacebat cæterarū rerum. Ne quid præterea per negligentiam pereat: matronarum etiam sinus, & loculos pertractant immo vestes ipsas interiores retegunt, & violentis manibus nonnunquam disrumpunt, ut videant si quis Agnus Dei, crucifixus, medalia, aut res alia sacra, ad partes secratiores abscondita lateat. Hæc faciunt lictores, qui perseuantes appellantur, animalia famelica, & in omnem facile prædam ferocissima. Quorum etiam potestas est quoscunque domo repertos, vel carceribus tradere, vel alijs pro libitu, fatigare molestijs, nisi peccatoris oleo impinguent, & grato pecuniæ pacificè sacrificio.

*Perseuantes.*

*Psal. 140.*

Hæc domestica Catholicorum pax: videamus paululum quanta sit forinseca. Dixi lictores ædificijs infestos esse, tanquam in tenebris, nocturnas furias: liceat addere, interdum etiam vijs, & compitis insidiari, non minus quam dæmonia meri-

diana

diana. Si quis enim nostrorum; cuius nomen delatum sit, per ciuitates, aut oppida, *Psalm. 99.* aut villas transeat: comprehendunt eum via publica. Si quis vel de nocte ciuitatem ingrediatur, & indicio speculatoris (quorum est magna copia) prodatur: extrahitur vi publica è tabernis, vel hospitio. Si autem delatus, vel proditus non sit, securitatem tamen non habet, nisi hominum omnino consuetudinem fugiat: quia plurimis modis vel ex sola suspitione, in periculum trahatur. Verbi causa, si carnes diebus ab Ecclesia prohibitis recuset: si verbosius oret, maxime vero latino sermone: si crucis se signo muniat: si ieiunia, virginitatem, aut cælibatum suadeat: si antiquos patres vehementius commendet: si quicquam pro religione Catholica affirmet, vel apertissimū mendaciū aduersariorū reuincat. Immo, si conuinciantibus (pro vice) cæteris, ipse solus subicescat. Denique extat publicum edictum non longe ante promulgatum, quo potestas fit unicuique vnumquemque vel de re gendi, vel accusandi, ex minima quaque circumstantia, quæ suspicionem Catholicæ reli.

religionis inducāt. Ex quo multi deinceps  
sunt cōprehensi, plerimi varijs molestijs,  
& calamitatibus affecti.

Sed vna est asperitas (non enim vtar  
grauiori verbo) quæ cæteris omnibus ma-  
gis affligat, illa nimirum quam nostri in  
iudicijs, in negotijs, in communibus vitæ  
commercijs experiuntur. Atque hæc res  
prōfecto, ipsos etiam humanæ societatis  
neruos attingit, qui iustitia & humanitate  
continentur, & abhorrent ab omni crude-  
litate atque iniustitia. Nec ego queror,  
aut querendum existimo si qua gratia no-  
stris non est facta, aut si qua misericordia  
rebus non est præstita, vel afflictissimis,  
vel etiam extremis (patior enim hanc no-  
stris tolli fratribus, religionis odio, quā na-  
tura largitur in ipsos etiam hostes, huma-  
nitatem.) Sed certe, si qui sunt, q̄ legū in  
nos seueritate, pænarumque grauitate nō  
dum satiati, suam etiam addunt maleuo-  
lentix acerbicatem, vt vel lege sæuiant,  
vbi lex non est, vel legis aculeos latius di-  
strahant, quam legis latoris progressus sit  
animus, idque in rebus maximis, & grauif-  
simis, & ad vitam sanguinemque pertinē-

*Magna as-  
peritas quo-  
dam iu-  
dicum in  
persecutor.*

tibus : nemo mirari debet si gemimus, si lamentamur, si nonnihil sub tanto calamitatis onere, suspiramus,

Videamus ergo quid etiam in hoc genere patiantur Catholici, Christianæ religionis odio, & inuidia. Lex quædam est, <sup>Supra pag 25. nn. 2.</sup> quam antea recensui, vt qui bullas, vel alia instrumenta publica, à Pontifice Romano obtinuerit, aut in Agliam inuenxerit, reus læsæ maiestatis existimetur. Sit lex iustissima: non enim de legis æquitate disputo, sed de mente. Quis non videt illud solum hac lege cautum fuisse, ne Pontifex quicquam statueret de rebus <sup>Insignis ini quitas.</sup> Anglicanis, quod per bullas, (vt vocant) & breuia apostolica facere solet? & tamen cum exemplar quoddam, non ita longe ab hinc, inuentum esset illius Bullæ, <sup>Anna. 1574.</sup> quæ Iubilæum annum præteritum indixerat: etsi nihil ad Anglos pertinebat, etsi alieno in regno impressum esset, etsi elapso iam tempore vigorem amississet, etsi <sup>Iudex vna MANO- DVS. MAYNVS D. TRV- GIONVS</sup> dispectum in laceris solum chartulis iaceret: tamen rei atrocitas seueritate iudicis tam vehementer est aucta, vt Sacerdos, cuius in cubilo reperta fuerat, morti acerbis-  
simæ



simæ ob eam causam sit traditus, & vir illustis, qui rei ignarus sacerdotem domo receperat, eadem iudicis sententia fortunis omnibus, hoc est amplissimis, eversus, & carceri perpetuo condemnatus fuerit.

*Apud  
DORCES  
TRIVM.*

*Septem. 5.  
an. 1581..*

*Pag. 22.  
Sum. 21.*

*Dura in-  
terpreta-  
tio.*

Eodem nuper iudice, atque etiam litigatore ( vtrisque enim partes in Catholicos exequitur ) factus est quidam læsæ maiestatis reus, ex lege vigesima prima capitali supradicta, eo quod vicino cuiusdam suo, rationem reddiderat quare protestantium Ecclesias, salua conscientia, adire non posset. Hoc enim in eum sensum interpretabatur iudex, ac si vicinum ea ratione ad suam sententiam pertrahere voluisset, & consequenter dissuadere illi religionem Anglicanam, & secundaria consequentia, perducere ad obedientiam Romani Pontificis. Tam longe sunt laquei ad insidiandum sanguini. Sed additur adhuc aliud ad facti seueritatem. Cum enim pro more patrio, res permitteretur quibusdam Quæstoribus, nec illi tantam atrocitatem in ea cernerent, quanta supremo supplicio sufficeret: compulsi

pulsi sunt auctoritate iudicis tanquam crimen maiestatis rem deferre, quod in homines perditissimos, & flagitiosissimos, nec solet, nec debet fieri.

Lex est Aglicana vt pauperculi desidiofi qui eisdem locis non consistunt, sed incertis ociose diuagantur, virgis cæsi, auricula ferro candenti perfodiantur. Oblatus est iudici, religionis causa, iuuenis quidam per honestis, & diuitibus genitus parentibus, litteris imbutus humanioribus, qui studijs ad tēpus dimissis, Londino ad amicos inuisendos transibat. Quid simile habet cum designatis à lege? quia tamen venerat recēter è Gallia, & in pōtificio seminario institutus fuerat, iudex iracūdus, in religionis, & causæ Catholicæ inuidiā, non nisi virgis cæsum per ciuitatem Londinensem, & auribus odiose perustum dimisit. Similem poenam quo ad auriū inuisionem, sacerdoti fuisse nuperrime inflatam apud ciuitatem Eboracensem audiuius, & eiusmodi sane multa enumerari à me possent: sed hoc sit querelarū satis.

Deus qui pauperes iudicat in iustitia, & retribuit abundanter facientibus superbiam: Domi-

*Lex de ho-  
minibus  
vagus.*

*IOAN-  
NESTYP  
PETVS.*

*Esai. 11.  
Psal. 30.*

Ier. 29.

Esaï. 27.

nus qui iudex & testis est: (vt inquit Ieremias) & in mensura contra mensuram, cū abiecta fuerit, iudicabit: parcat his iudicijs, de tam iniquis, & iniustis iudicijs.

Quo nos (bone Deus) quo nos impulerunt exulceratæ de rebus fidei & religionis controuersia? nulla natio moribus exculta ciuilibus, nulla gens perfusa sacra luce Euangelij, nullus populus Christianis placitis, & ritibus institutus, vel aptior ad humanitatem, vel pronior ad beneficentiam, vel æquitatis amantior, aut propensior vnquam ad misericordiam fuit, quàm fuerat gens & natio Anglicana, priusquam funesta & exitialis hæresis, amoris viscera in adamantina commutasset, & lethalibus odij venenis infecisset. Hæc iuris & æquitatis repagula cōcussit, hæc amoris & amicitia vincula dissoluit, hæc misericordiæ & beneficentiæ fundamenta sustulit, & communis societatis neruos incidit, membra membris furiali impetu, & calamitoso collidens.

Sed iam tempus fortasse (Getarde) modum ponendum Libello requirat, longè enim prouectus videor, & vereri debeo

ne te fatigem, tam molesta & lugubri narratione, quæ legentem profectò te nō potest, opinor, vehementer non mouere, cū me scribentem sic afficiat, vt vix aliquando mihi temperem à lacrymis, dum mēte complector, vel quæ scripserim, vel quæ omiserim. Plura enim longè silenda mihi, & prætermittenda fuerunt: quàm his litteris tradenda: partim, ne infinito me labori committerem singula recensendi: partim, quia certa plurimorum cognitio, his temporum & rerum difficultatibus, haberi nō potest: multo vero maxime, quia præcipuarum rerum explicatio, tam est coniuncta cum personarum notatione, vt nec segregari queant, vt illæ percipiantur: nec coniungi, vt istæ non lædantur. Res enim tradi non possunt in publicum sermonē, quin personæ trahantur in priuata pericula. Illa ergo posteris relinquamus nostris, vel vt prodant memoriæ, si aliquando licuerit: vel vt tacito stupore mirentur, & plangent.

Nobis hæc sufficiant (quæ dixi) vel ad dolorem, vel ad documentum. Documentum enim sempiterno esse debet calamitas nostra,

Heb 10.

nostra, non solum nobis, posterisque nostris, verum etiam vniuersis per orbem Catholicis, quàm horrendum sit (vt inquit Apostolus) *incidere in manus Dei viuētis*, & nolle vel admonitos, *Fruētus dignos facere pœnitentiæ*. Peccata, n. nostra & parentū nostrorum, hoc in nos impulerunt grauissimum Dei flagellum, quod serpet sine dubio, & diffundetur latius, nisi Dei iustitia, Catholicorum pœnitētia, & scelerū emēdatione præueniatur.

Dolori autem (mi Gerarde) vel tuo vel meo, vel etiam communi & publico, quis non existimet res iam narratas excitando sufficere? sunt enim, & numero plurimæ, & magnitudine grauissimæ, & frequentatione quotidianæ, & cāsa iniustissimæ, & modo odiosissimæ, & hominū innocentia quibus inferuntur, indignissimæ. Et tamen (vt dixi) neque singula potui attingere, neque præcipua; multo vero minus oculatissima illa, & attenta dissquisitio, quæ in nostra minutissima fieri solet, oratione cuiusquam describi potest. Si cui aut verbum, aut vocula, aut nutus exciderit, quo nostræ causæ fauere credatur: iu-

tur: iu-

*Magna dissquisitio & testatium in Catholico cor. i. minu-*  
40.

tur : iusta est delationis , & incarcerationis causa. Sic quendā recentissime Superintendens Londinensis , in abiectissimum compegit carcerem: quòd tria verbula in argumentationis Campianæ patrociniū, *CAVVO-DVS cōse-ctus in carcerem quæ GLY N-GRVM ap- pellant.* contra Fulcum, opinor, effutierat.

Illud tamen mirabilius est , quòd paucis abhinc diebus , academicos omnes in vniuersitatibus cōmorantes, iuramento *Mense Augusto Anno 1581.* dicere coegerunt, si quos scirent, vel suspicarentur, qui animis religioni Catholice fauerent. Eo nimirum proposito, vt suspectos omnes Academijs exturbarent. At quam late patet hoc suspicari? quā facile tegitur dissimulationis inuolucro? quā facile sequitur ad odium, vel inuidiā? quātū hoc licentiæ largiatur ambitioni? quantum virium præstet malevolentix? quantum stimuli ad omne genus vindiçtæ? Ecce *In Academia OXONIENSI.* natum ex re ipsa exemplum. Minister quidam accusabat præsentē de suspicione Romanæ fidei: petijt accusatus, quo argumento niteretur suspicio? Quia (inquit ille) non tam frequentare conciones te video, quam faceres si nostræ religionis arderes zelo, Quàm grauis ac firma coniec-

*Ministro-  
rum syco-  
phanta.*

ctura ad accusandum? O durā & exercitā conditionem illorum, qui his ventis inuidiā, calumniæq; procellis, legibus etiam, & auctoritate publica subduntur.

Et quoniam hoc loco de accusandi facilitate, & procacitate sermo incidit, quæ solent aduersarij de rebus inanissimis, leuissimisque vel crimē intendere, vel struere calumniam: (quamquam hoc ipsum festinādi studio prætermittere cogitasset,) concedam etiam huic loco exemplum vnum, tanquam decerptā multorum delibationem, quo cernamus (Gerarde) non solum quam accusemur de nugis, & leuissculis, verum etiam vt de beneficijs quoque non raro castigemur. Res est illustris, & etiam lepida, & quæ tuis istic Italis præter admirationem, effigiem quandam nostrarum rerum, & temporum delineet.

*Historia  
de restitu-  
tione.*

AEgrotare cæperat generosus quidam aulicus, vitæ splendidæ, & fortuna non infirma. Huic grauitè laboranti (vt eiusmodi tempore euenire solet vel negligentissimis) ingesserat se quædam acris de futura vita cogitatio. Aduocauit presbyterū, (erat enim sententia Catholicus) vt il-  
lius



lius consilio recte mori disceret. Ille, pro ratione officij, & Ecclesiæ Catholicæ consuetudine, admonuit inter cetera, ut si quā in re quenquam læsisset, aut aliena bona minus iuste occupasset: niteretur statim pro facultate restituere. Annuit ægrotus: occurebat animo, quiddam olim Calviniano cuidam, iuris quidem specie sublatum, sed conscientiæ Catholicæ minime securum: iubet restitui: moritur. Vxor autem vidua, cum mariti voluntatem perimplere discuperet, nec auderet tamen hæretico reddere: angebatur vehementissime, nec expedire se poterat. Dum hære-

*Sacerdotis  
nomē erat  
ALVVA-  
RV S.*

Vir Dei, perspecto foeminæ sanctissimo desiderio, zelo plenissimus, obtulit se in rei faciendæ discrimen, existimans hominem tam ferum, & barbarum non futurum, qui de beneficio vindictam expecteret. Itaque re prius Deo commendata,

*Disertio  
pascl. a. 1.*

cōscenso equo, viam ingreditur: cumque ad ciuitatem peruenisset, quam habitabat is, cui erant pæcuniæ reddendæ: collocat

*Huius no-  
men erat  
FISH-  
E-RVS, de ci-  
uitate V-  
narumicen-  
fi.*

*Pecunie-  
vāt 20. Li-  
bra Angli-  
cana.*

*Hi erant  
duo Fische-  
ri fratres.*

*Diabolus  
habetur q  
aliena re-  
stituit.*

equum in proximo diuersorio, vt paratus  
ad fugam esset statim post expeditum ne-  
gotium. Ipse domum creditoris petit, euo-  
cat solum, & manu prehensum, seducit a  
ceteris. Narrat se pecunias habere, quas  
ei sit ea conditione traditurus, vt nihil in-  
quirat, vel de mittente, vel de latore, vel  
de re ipsa: tantū accipiat, & fruatur vt suis.  
Spondet senex, & firmissime promittit: &  
gratijs actis hominem dimisit.

Sacerdos magna contentione festinat  
ad hospitium, vt equum ad fugiendum  
arripiat, sed frustra: statim enim à sene per-  
fido proditus, & à viris ab eo missis com-  
prehensus est. Et primum quidem hanc  
ei calumpniam fecerunt, vt non hominem,  
sed diabolum esse dicerent, qui pecunias  
à se factas attulisset ad senem illaquean-  
dum. Et huius rei illo argumento uteban-  
tur præter cætera, quòd equum nigrum  
haberet, quem obseruabant diligenter, an  
aliorum equorum more, fœnum come-  
deret. Deinde etiam sacerdoti ipsi iniecto  
ferro, & intra cubiculum munitum con-  
cluso, addiderunt quendam, qui die, no-  
ctæque cum illo esset, & obseruaret an vl-

lo tempore ocreas detraheret, & si pedes equinos, bifidos, aut bisulcos haberet, illo enim indicio cognosci dæmonem humana specie latitantem affirmabant. Ingens autem populi multitudo domum obsederat, & pecunias effuse offerebant, ut hoc monstrum oculis intuerentur. Iam enim populo persuasum fuerat, esse reuera Ca codæmonem. Quis enim unquam (inquiunt) humanæ mentis cōpos, pecunias ultro offerret, & gratis largiretur homini ignoto, hospiti, & peregrino? Cum aliquamdiu Christi seruum hac contumelia agitassent simulabant (sed fide ad maiorem iniuriam) se hominem velle liberum dimittere. At Calvinianus ille ingratiſſimus, qui pecunias acceperat, subornarat qui egredientem retraheret fuga, & reum ageret læsæ maiestatis. Quo factō, repente totus diripiebatur. Et equo quidem eius utebantur, pro suo libitu: pecunias vero omnes auferiebant, excepta quadā particula quæ itineris expensis, inseruiretur ad Londinensem usque ciuitatem, quo eum paulo post captiuum mittunt, firmo & diligenti satellitio septum. Vbi cum venisset, & con

*Hic erat Falscheri frater.*

*Hoc est pri-  
mo in ianni-  
toris sui  
custodiā,  
Secundo in  
carcerem  
qui voca-  
tur Porta  
uestimo-  
nasterien-  
sis.*

filio regio rem exposuisset (vel vni potius eorum, ne res ad mortui ignominiam diuulgaretur) reiectus est ab eis ad Superintendentem Londinensem, qui illum primum in vnum carcerem, deinde in alium, tertio in arcē Londinensem coniecit, vbi ad quartum fere annum, vix euitatis tormentis, poenam luit huius nefandi restitutionis flagitij.

*Pyramis  
Londinen-  
sis combu-  
sta.*

Admoneor huius historiæ commemoratione de quadam aduersariorum ridicula petulantia, qua solent ad antiquissimorum hostium imitationem, Catholicos vt dæmonibus familiares traducere. Deficeret me omne tempus numerantem, quæ in hoc genere figmenta fabricarunt. Pyramis Londinensis, non nullis ab hinc annis, mirabiliter sane de coelo tacta conflagrauit incendio furioso, & inextinguibili: quis aduersariorum rem nō attribuit nostrorum præstigijs? Veneficia quædam, aut incantationes, membranulis, & figuris conglomeratæ, cum similibus nescio quibus ineptijs, terræ venis abditæ, fuerūt aliquando à quibusdam inuentæ. Res putabatur ad reginæ perniciem, & interitum

compo-

composita . Quis non infimulabat huius facti Catholicos ? at paulo post comper-  
tum est, ministrum quendam magiæ fuisse auctorem , & participes habuisse acerrimos Euangelicos: secutum est altum de re tota silentium, nisi quòd aliqui, deriuandi criminis causa, adijcere solebant, illum forte ministrum, dissimulasse religionem, & fuisse animo reuera papistam. Cum haberentur comitia in ciuitate quadam academica, oblatus est iudicibus Bipliopola quidam , cui verba nonnulla in religionis Catholicæ fauorem exciderant . Habitus est à cōcessu peraspere : præter multa em̃ grauissima in carcere perpeffa, res tandem partim Quæsitorem suffragio, partim acerbitate Iudicum, eo deducta est , vt hominis , prius in foro diffamati auriculæ clauis ferreis columnæ lignæ affigerentur, & deinde cultro in manus proprias tradito, ipse earum se dissecatione liberaret . Res visa est multis supra modū seuera . Quid securum est? mirabile sane Dei iudicium. Iudices ambo , (solent enim præesse duo) omnes etiam Quæ sitores, & multi ex præcipuis totius concessus, cum plurimis assi-

*Minister  
de Neuuin  
gron.*

*Inckstus  
in ciuitate  
Oxoniansi.*

stētium : paucissimis diebus inaudito morbi genere, partim in ea ciuitate, partim alibi perierunt. Sed & hoc etiam Catholicorum magiæ tributum fuit.

Quid ergo nobis integrum, quid securum, Gerarde, cum non solum aliena peccata, Sed & iudicia Dei manifesta nostram in fraudem, & calumniam vertantur?

Infinitus essem, si cetera persequerer quæ moliantur aduersarij, in causæ nostræ deducus & ignominiam. Si quem enim nancisci possūt, vel infimū, & sordidissimum, qui aliquid apporet in Romā conuicij, vel in alios qui fidei nostræ fautores existimantur, etiam si illud e lacunis, & sentinis collectum fuerit, aut nullo etiam probabili argumento nitatur: arripiunt tamen hominem auidissime, & obtrudunt populo tanquam prophetā. Donant loquendi, perorandi, concionandi facultatem, & scribendi etiam quiduis pro libitu, & libidine, modo id in Romanæ fiat religionis contumeliam. Vnde tantum odij? Vnde liuoris tantum, tantumque inuidiæ? sed non subsistunt hoc gradu immode-

*Sic Io. Nicolaum, grammaticum, ministrū relapsū, Roma venientem, & de Roma merientem, suggesto donant, & nobilium honorant praesentia.*

modestix, nec his finibus continentur imprudentix: longius multo præcipitantur. Si non sit qui in Romam couicia narret, q̃ sordes congerat, aut notet quisquilias: ipsi creant de Roma miracula, quæ con-  
 cionibus, mensis, & libris inseruiant. Sic nuper libello quodam impresso, diuulga-  
 runt mirabilia multa superiori anno Ro-  
 mæ contigisse, idque per dies multos, qui-  
 bus Deus iram suam magnis prodigijs, cõ-  
 tra ciuitatem illã ostendit. Narrant enim,  
 duos soles, dualque irides eodem tempo-  
 re apparuisse, portam ingentem diui Petri  
 corruisse, & quatuordecim homines cum  
 octo militibus occidisse. Duas etiam tur-  
 res ecclesiæ diui Petri delapsas, commi-  
 nuisse ecclesiam, & contriuisse multũ po-  
 pulum, in quo erant decem & octo sacer-  
 dotes. Præterea ecclesias Franciscanorũ,  
 B. Iacobi, B. Bartholomæi, Beatæ Virginis,  
 totum monasterium Mariæ Magdalenæ,  
 integrũ armarium Romanæ ciuitatis, do-  
 mum hospitem, in qua erant 150. per-  
 sonæ, cum infinitis alijs ædificijs simul de-  
 cidisse, & hæc omnia ideo contigisse, vt  
 mundus intelligat Romanam religionem  
 Deo

*Hoc est die  
 23. 24. &  
 25. Ianua-  
 rij anno.  
 1580,*

*Hic liber  
 impressus  
 fuit a Io.  
 Charluo  
 do & Ed-  
 uarhte, cõ  
 approba-  
 tione pũ-  
 blica sub-  
 scripta.*



Deo displicere. Infinita huiusmodi artificia prætereo, quibus in dies nituntur causam nostram vulgo odiosam reddere.

Quare, ut tandem in exitum decurrat oratio, vides quo statu, quo gradu, quo cardine versantur res Anglicanæ. Ardent undique persecutionum incendijs, conflantur orthodoxi, cum incommodis omnibus, cum odijs, cum opprobrijs, cum vinculis, cum iniurijs, & si quid aliud ad vitam afflictam, & exquisitam pertinet calamitatē. Aduersusij nullo commiserationis mouentur affectu, sed in dies ferociunt, & crude scunt magis. Ad illud enim peruenisse videntur, quod prædixit Saluator, *ut omnis qui interficit vos, arbitretur obsequium se præstare Deo.* Catholici autem sequentibus eodem loco Christi se verbis consolantur. *Hæc facient vobis, quia non nouerunt patrem, neque me: sed hæc locutus sum vobis, ut cum venerit hora eorum, reminiscamini, quia ego dixi vobis.* Illud etiam sancti Pauli sæpe repetunt ad solamen, *Fidelis Deus est, qui non patietur vos tentari supra id quod potestis, sed faciet etiam cum tentatione prouentum, ut possitis sustinere.*

Hunc prouentum fidelium, ut compensatio

Jo. 16.

Ibidem.

1. Cor. 10.

pensationem quandam tolerantiae per-  
 secutionis promissum, sentiunt egregium  
 Aanglicani Catholici, eoque fit, ut præter  
 internam spiritus sancti dulcedinem, hoc  
 etiam externo non parum animentur &  
 corroborentur solatio, dum inttelligunt  
 & oculis intuentur, tam mirabiliter auctū  
 esse orthodoxorum numerum post inge-  
 minatam persequentium sævitiam: Hac  
 enim manifesta est amoris diuini signifi-  
 catio, qua nos certos faciat, se nostræ cau-  
 sæ, vel suæ potius, non defuturum, si no-  
 stræ à nobis partes impleantur humilita-  
 tis, mansuetudinis, longanimitatis, & pa-  
 tientiae. Et certe, si cogitatione percurra-  
 mus, quæ iam pertulerint Catholici, vel  
 coniectura metiamur, quæ impendeant  
 perferenda: nec tribui potest humanis vi-  
 ribus, quod hætenus sustinuerint, nec ab  
 eisdem expectari, ut deinceps perseuerēt.  
 A domino solo hoc postulandum est, & à  
 patre luminum precibus nostris assiduīs  
 impetrandum, à quo omne datum optimum, & *Iac, 1.*  
 omne donum perfectum proficiscitur.

Qua (putas) opus est virtute, qua ani-  
 mi magnitudine, qua roborata cōstantia,  
 ut illa

nis vtendi . Loquor autem de copiosa illa  
 multitudine afflictissimorum pauperum,  
 maxime vero sacerdotum, qui his tempo-  
 ribus tam arcte asseruantur, vt nullus sit  
 ad eos concessus aditus, & si quis aditum  
 petat, in suspicionem vocatur, & nisi se  
 purget, comprehenditur . Sic Hansius nu-  
 per, cum ingressum peteret ad quosdam  
 inclusos eleemosynæ deferendæ causa,  
 captus est tanquã de religione suspectus,  
 & paulo post patibulo suspensus . Sic mul-  
 ti alij eadem ex causa in suspicionem vo-  
 cati, comprehensi, & incarcerati fuerunt.  
 Atque his modis terrent aduersarij Ca-  
 tholicos, ne quis audeat eleemosynas  
 deferre .

Nec minus etiam periculum est danti-  
 bus quam deferentibus, si reciscatur. Re-  
 sciri aut multis modis contingit, & aduer-  
 sarij nonnũquã vt id eliceant, sacerdotes  
 inclusos subiiciunt tormentis, & interro-  
 gant, quinam eis eleemosynas dederint, *Sic Ions-*  
 quinam alia pietatis opera præstiterint? Si *num Briã-*  
 quicquã vi tormentorũ faterentur ( quod *tũ Colleg.*  
*Rhem: et a*  
 hætenus Deo confirmante non faciunt) *lios nuper*  
*exercuerũt*  
 dupliciter nos inde læderet aduersarius .

Primum,

*questione  
ad mortem  
fere hac  
eandem de  
causa.*

Primum, fidem confitentibus abrogaret, tamquam suorum proditoribus. Deinde eleemosynarum datores sic affligeret, ut ceteros timore poenae à simili deinceps pietate arceret.

Hoc ergo artificio cum aduersarij iam effecerint, ut nemo audeat quicquam donare, nec quisquam quod donatum est carceribus deferre: consequatur necesse est, quod plane iam oculis consecutum videmus, ut incarcerati penuria, & egestate tabescant, & inedia consumente, miserabiliter pereant. Audiuisse te existimo de illa numerositate virorum, qui recenter in carcere Eboracensi sunt extincti: non audeo quicquam affirmare, nec suspicari grauius quam quod dixi, licet non desint qui suspicentur, eo quod prouinciæ præfectus tam lethali sit & præcipiti in nos odio, ut nihil sic in vita cupere, quam extremum nostrum exitium videatur. Deus illi benignus sit, & meliorem mentem largiatur, animumque mitiorem in calamitosos immittat, ut ipse etiam aliquando misericordiam apud communem dominum, & iudicem omnium consequatur.

*Comes  
Huntingo  
nius.*

Si vellem acerbitem, & in humanitatem repetere, quas annis elapsis Catholici sunt experti in hoc ergastulo Eboracensi, aut quas hoc tempore magis quam unquam antea patiuntur: nullum facere narrandi finem. Ex hoc vno fiat coniectura de reliquis. Minister quidem eruditione non vulgari, qui aduersariorum à partibus iam diu steterat, easque studiosissime pro viribus defenderat: eo tandem intelligentiæ, lectione sanctorum patrum deuenerat, ut clarissime cerneret, suos nulla veritate niti, sed omnem à nobis esse, idque extra controuersiam. Non potuit iuuenis acer conceptum veri lumen continere, aut vrectem pectore flammam comprimere. Quare vulgo propalata, hominem comprehendunt aduersarij, terrent minis, sed non terretur: aggrediuntur argumentis, sed erat superior: blandicijs mulcent, sed non allucitur: quid ergo? Trudunt in carcerem, tractant asperime, nihil tamen flectitur. Tandem suspendunt plantis in eum modum, ut pedibus in altos cippos insertis, decumberet solis humeris in terram, idque sine lectulo, aut reclinatorio per dies plurimos, illam

*Huius ministri nominem BEL LVS dicitur.*

illam ei solum facientes gratiam, ut certis temporibus ad necessitates corporis aliquantulum laxaretur. Quid hoc inmitius fieri potuit?

Illa etiam crudelitas omittenda non est quam hoc ultimo persecutionis tempore in Iesuitas, & Collegiorum tum Romani, tum etiam Rhemenfis alumnos acerbissime exercuerunt. Nam hoc ipso 1581.

*Duodecim  
Sacerdotes  
cum nobili  
uno laico &  
concilium  
vocati.*

anno, die Nouembris 20. qui D. Edmundo Angliæ Regi sacer est, & sequenti vocati sunt ad Tribunal hi Sacerdotes; Edmundus Campanus, Iacobus Bosgravius Societatis Iesu religiosi. Rodolphus Sheruinus, Lucas Chirbeus. Eduardus Ristonus, Ioannes Shertus. Romani Anglorum Collegij alumni: Ioannes Hartus, Alexander Briantus, Gulielmus Filbius Collegij Rhemenfis, quatuor item alij Sacerdotes Richardus Iansonius, Laurētius Richardsonus, Thomas Fordus, & Ioannes Colitonus, & Ortonus quidam nobilis laicus; quos omnes tanquam læsæ maiestatis reos suis iniquissimis legibus condemnarunt.

*Campionus & socij  
equales  
torquentur.*

Campionum autem, Sheruinum, Briantum, Iansonium, Bosgraviū, & alios

ad

ad omnium membrorum vsque diuulsionem, & pene ad mortem ipsam equuleo torserant; id est tormenti genus, in quo su *Equuleus.*  
pinum hominem primo extendunt, manusque ac pedes articulatim ligant, funes deinde, quibus ligatus est, rotis quibusdam paulatim eousque trahunt, donec omnia membra luxentur. Pronunciata igitur sententia, P. Edmundus hilari vultu, & clara voce, pro tanto beneficio Deo gratias agens, cantat, Te Deum Laudamus, te Dominum confitemur, &c. Sheruinus autem, Hæc dies quam fecit Dominus, exultemus, & lætemur in ea: Briantus vero, sententiæ iniquitatem considerans, summum Iudicem appellat his verbis, Iudica me Deus, & discerne causam meam, &c. Atque ita ingenti cum alacritate discedunt à conspectu concilij gaudentes, quod digni habiti sint pro nomine Iesu contumeliam pati. Antequam ad carcerem reducerentur P. Campianus populum his verbis allocutus est: Audistis nos, tamquam reos læsæ maiestatis condemnari. Sed quæ *Cāpianus se, & socios purgat*  
id merito factum sit, vos, quæso, ipsi cogitate. Etenim si tot modis Reginæ offendisse.



dissemus maiestatem, nequaquam illa, & Senatus eius vniuersus nobis & vitam, & libertatem, & rerum omnium abundantiam toties obtulissent, si modo eis, in rebus non adeo magnis, obsecundare voluissemus: Immo etiã hic ipse arcis Præfectus hæc eadem, & maiora mihi promisit, si vel semel tantum cum hæreticis templũ adijfsem. Itaq; viri optimi, non perduellio, non maiestatis læsio, sed veræ Religionis zelus ad hoc nos capitis discrimen adduxit.

*Briantus  
ad iudiciũ  
crucem ge-  
stas.*

Fuit etiam illud, inter cetera, in Alexandro Brianto, dum ad tribunal cum reliquis duceretur, constantissimæ pietatis indicium, quod tanquam signifer eximius incederet, crucem manu gestans, & ostēdens, quam ipse, & in ea Saluatoris nostri imaginem carbone depictam, in ipso carcere confecerat. Cum vero ab hæretico nescio quo, eam abijcere iuberetur; Miles, respondit, Christi crucifixi sum, nec vnquam salutiferum hoc vexillum deferam: quod tamen cum è manibus illi nefarius quidam eripuisset; Potuisti, inquit, è manibus euellere, at è corde nunquam diuelles, quin potius sanguinem pro eo  
fude-

fuderim meum, qui suum preciosissimū  
 prome fudit in cruce. Summam Alexan-  
 der iste constantiam semper præ se tulit. *Brianri cōstantia.*  
 cum enim equuleo, in quo semel ad tres  
 horas iacuerat extensus, iterum, aciculis  
 etiam sub manuum, pedumque vngu-  
 bus crudeliter infixis, acerbissime torque-  
 retur. Hocceine, aiebat, totum est quod po-  
 testis? Si nihil aliud sunt vestri equulei, ac-  
 cedant huius rei causa centum alij: ego  
 enim Catholicæ religionis causa longe  
 grauiora ferre possum. Neque vero mi-  
 rum videri debet, eum tam fortiter con-  
 tempisse tormenta, qui in ipsis mirifica  
 Spiritus sancti dulcedine fruebatur, ut ip-  
 semet in litteris, quas ad Patres Societatis  
 Iesu in Anglia degentes ex carcere scrip-  
 sit, locupletissime testatur, cuius verbis re-  
 ferendis eo hic cōsilio super sedeo, quòd  
 ad libelli calcē eadē epistola adiecta sit.

Iam vero Sheruini in patria iuuanda *Sheruini caritas.*  
 caritas explicari haud facile potest. Ro-  
 mæ enim cum adhuc moraretur, tam acri  
 huiusce rei desiderio flagrabat, ut grauissi-  
 mis cruciatibus, quibus torqueri in ea ca-  
 tholicos homines sciebat, non modo non

terreretur, sed incitaretur etiam vehementius. Et quidem ille, ut erat optimis naturæ, doctrinæ, & virtutis dotibus ornatus, patriæ adiumento fuisset non mediocri, nisi quod eum vix in Angliam ingressum comprehendunt aduersarij, onerant compedibus, & in carceris tenebras coniiciunt. Liber tamen animus de animarum salute, non minus quam antea, sollicitus, non quiescit in carcere, sed proximorum se utilitati, prout licebat, impendit, multosque

*Sheruinus  
in carcere  
duos ad Ec-  
clesiæ reconciliat.*

vinctos Ecclesiæ reconciliat. Erant inter alios per id tempus in eodem carcere hæretici duo, ex turpissima Amoris familia, ob hæresim comprehensi: hi, cum Sheruinum aliquando diligentius obseruassent (erant enim in proximo fere cubiculo) ex compedum, quibus vinctus erat, assiduo conspectu singulari quadam lætitia gestire, insanum, qui tantam ex compedibus caperet lætitiā, arbitrabantur. Ille enim quod se vinctum aspiciebat pro Christo (ut ex eius litteris cognouimus) tanta interiori voluptate perfundebatur, ut gestiret totus, exultaretque præ gaudio. Cum tamen deinde ad familiare colloquium

quum venissent, rem aliter se habere conspicunt; cumque non modo sanum, ac mentis compotem, sed prudentem etiam, atque doctum esse aduertunt; sermone deinde longius protracto, cum officij recitandi tempus instaret, venia ab eis humaniter postulata, procumbit in genua Sheruinus, & qua poterat reuerentia, ac deuotione, recitat: quod eos, ob rei nouitatem, magnopere commouit. ad cœnam postremo cum venissent, sermonem de religione instituunt, multisque in eam sententiâ disputatis, eos Sheruinus ita rationibus conuincit, vt nō multo post Ecclesiæ reconciliet. illi vero turpissimæ familiæ hæresi, ob quam comprehensi fuerant, abiurata, catholicam fidem professi sunt, ob eamque in carcere in hodiernum vsq; diem asseruantur. Iam vero cum equuleū illi minarentur aduersarij, eo que adducta res esset, vt paulo post. cruciandus videretur, parat se strenue, & cruciatus sibi ad necem vsq; perferendos proponit, eorumque auctores, non sine magno caritatis argumēto Deo obnixè cōmendat; sed illum Deus ad clariorē triūphū reseruabat.

*Cāpianus  
Sheruinus  
et Briātus  
ad mortē  
tradūtur*

Calēdis igitur Decembris summo mane, hora circiter 13. ex illis Sacerdotibus, quos publica sententia damnatos diximus, tres, Campianus, Sheruinus, & Briantus ad arcis, in qua seruabantur, ianuam, ut regni mos est, magistratibus Londinensibus ad supplicium tradūtur. Quos illi excipientes imponunt sledis (id est carri humile genus sine rotis, super terram equis trahentibus lapsans) & Campianum quidem solum, Sheruinum autem, & Briantum simul alligant, trahuntque supinos per vrbis plateas, ad Tiburnum usque latronum supplicio infamem locum, & à castro per tria fere milliaria disiūctū. Quo ubi ventum est, primus Campianus scalam, ut suspenderetur ascendit; ubi, fune iam ad collum, ac suspendiū alligato, tam se intrepide, constanterque ad concionandum componit, ut Principes qui aderant, ipsique hæretici vehementer obstupescerent. Conuenerant enim illo tres Comites, Barones sex, equites aurati, alijque viri illustres quamplurimi, & tanta hominum multitudo quanta simul in eo loco nostro hoc seculo visa est nunquam.

Exorsus

Exorsus est igitur illis verbis , Spectaculum facti sumus Deo, Angelis, & hominibus : sed à Vicecomite Londinensi interpellatus , orauit omnes, qui aderant Catholicos, vt cum se animam agentem cernerent , fidei symbolum pro ipso recitarent, vt quam ipse eo tempore profiteri voce non posset , multorum catholicorū voces profiterentur ; sed illum adhuc loquentem ab scala deturbant carnifices, stragulatūque, alijs duobus inspectantibus, in quatuor partes diffecant; si quo modo illis possint terrorem incutere ; sed nihil inde terrabantur. Cum enim, Campiano iam confecto, cruentas manus, ac brachia Sheruino carnifex iniiceret, adderetque ad terrorem , Veni Sheruine , accipe & tu mercedem tuam , ille ad hominem conuersus læto , hilarique vultu, eum amplexatus , cruorem manuum osculatus est. quæ res ita populum commouit , vt magno murmure Vicecomiti extorserint, vt ille quæ vellet, loqueretur . Ascendit igitur scalam, efficacissimamque cohortationem ad populum habuit, eaque absoluta collum laqueo, vt suspenderetur, inseruit,

*Cāpianus  
ex patibulo  
ad populum  
concionatur.*

*Campiani  
Mors .*

*Sheruinus  
carnificis  
cruentas  
manus osculatur.*

*Sheruini  
mors.*

vniuersa multitudine acclamante, Bone Sheruine, Dominus Deus recipiat bonam animam tuam: qui clamor durauit diu, eoque iam mortuo compesci vix potuit.

*Brianti  
mors et in-  
nocentia.*

Postremo Briantus antequam suspenderetur, breuem fidei confessionem præfatus est, & innocentiam suam ab omnibus læsæ maiestatis cogitationibus, nedum factis protestationem, quam eius vere innocens vultus, & prope angelicus (erat enim iuuenis pulcherrimus, nec vigesimum octauum annum excefferat) non obscure confirmabat. Sed illud in eum omnium oculos, atque animos rapiebat, quod ingenti eum gaudio prope mortem perfundi conspicerent: quod ille ortum quidem ex eo fatebatur, quod se Deus ad mortem pro catholica fide oppetendam elegisset, auctum vero, quod vna cum Patre Campiano, quem vnice colebat, moreretur. Et vero hunc inuenem ob id maxime oderant aduersarij, quod Patribus Societatis Iesu familiaris esset atque intimus, neque de illis in grauissimis cruciatibus quicquam prodidisset, sed emissis clanculum litteris in eorum Societatem recipi postulasset.

Quæ



Quæ vero eorum mortem corporum car-  
nificina cōsecuta sit, nihil est quod in præ-  
sentia repetamus, cum in læsæ maiestatis  
reos (cuius illi criminis falso insimulaban-  
tur) poenæ, à nobis sint paulo superius  
commemoratae.

Mitto hic asperitates, quæ in foeminas  
incarceratas exercentur, quibus præter  
carceris molestias, illud etiam addunt ad-  
uersarij doloris, vt earum plectant mari-  
tos, licet sibi in omnibus cedentes, & con-  
formes (vt loquuntur) nisi vel cogāt vxo-  
res ad exemplum suum, vel omni eas ali-  
monia, & sustentatione priuent. Quid er-  
go facient afflictissimæ mulieres, cum nec  
ipsi mariti, res vitæ necessarias suppedita-  
re permittantur? an non penuria tabescen-  
dum est? an non egestatis incommodis pe-  
reundum? & tamen euangelici nostri his  
non mouentur.

De carceribus Londinensibus possem  
tibi multa, & luctuosa referre, tam de nu-  
per extinctis, quam de misere viuentibus,  
nisi vereretur ne mea querela grauioris es-  
set acerbitalis occasio. Illud tamen est cer-  
tissimum, multos extrema quæque per-  
pessos

*Lex de ad-  
eundis Ec-  
clesijs su-  
pra pag. 16*

peffos esse ob summam egestatem, & expectare quotidie, vt longe plura, & grauiora patiantur, si lex illa seuerissima de adeundis ecclesijs, executioni mandetur, quæ breui tempore, Catholicos omnes penitus est exhaustura, & oppressura, ita vt nec sibi, nec familijs, multo vero minus afflictis alijs subuenire possint. Quo profecto res Anglicanæ in extremam calamitatem, & Christianis auribus inauditam, prolapsuræ videntur, nimirum, vt homines innocentes, ob solam auitæ fidei conscientiam bonis proprijs spoliati, fame pereant & consumantur.

**Conclusio.** Vnde, vt vno verbo concludam vniuersa: duæ res solum super esse nobis videntur in his augustijs præstandæ. Vna vt dominum nostrum & Saluatorem Christum, ardentibus votis, & precibus imploremus, quo nostri miseratur, & persecutorum nostrorum animos emolliat. Altera, vt animo simus certo, constanti, & resoluti, quiduis illius causa sufferendi, & tolerandi, cætera omnia sanctissimæ eius prouidentia deferentes, ea certissima persuasione & fide, quod ille nos hac mente consti-

constitutos, & totos in luam tutelam proiectos, securissima via diriget in portū salutis nostræ.

Hoc animo, si imbuti fuerimus, & si induerimus hanc armaturam spei, fidei, & feruentis charitatis, adiuncto rerum omnium mortalium, & mundanarum cōtemptu, si aliquando (inquam) radicitus defixi fuerimus in hac firmissima, & immobili petra, quæ est Christus noster crucifixus: quicquid sæuierint in nos aduersarij, facillime, & nullo cum negocio sustinebimus. Fruemur enim illius hominis summa securitate, quem Saluator ut vere sapientē in Euangelio commendat *Qui edificauerat domum suam supra petram, & descendit pluuia, & venerunt flumina, & flauerunt venti, & irruerunt in domum illam, & non cecidit, fundata enim erat super petram.* Immo sentiemus corde, & ore profitebimur cum illo sanctissimo & fortissimo religionis nostræ duce, & Christi Saluatoris athleta Paulo. *Quis nos separabit à charitate Christi? an tribulatio? an angustia? an nuditas? an periculum? an persecutio? an gladius? quasi dicat, horum nihil: statim enim subiicit: neque mors, neque*

*Matth. 7.*  
*Rom. 8.*  
*vita,*

*vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia, poterit nos separare à Charitate Dei, quæ est in Christo Iesu domino nostro.*

O vocem excelsam, & Apostolo tanto, hoc est, Paulo dignam. Quid potest dici, aut fingi animosius? quid potest humana mente cogitari confidentius? Hoc ergo nobis intuendum, qui eadem de causa conflictamur qua ille, hoc nobis imitandum, qui eodem in agone certamus quo ille, eadem coronam speramus quam ille, eundem remuneratorem expectamus, quem ille. Huc omnis nostra cogitatio, & vires omnes conferendæ sunt, ut confidentiam hanc firmam in aduersis omnibus retineamus, e qua tanta demum existet fortitudo, & in rebus vel asperrimis, & durissimis cōsolatio, quāta sufficiat ad perducendos nos, *p ignē & aquā in refrigeriū*, ut inquit illē, hoc est, per arduas huius seculi molestias, & calamitates, in æternā Dei, & beatorū omniū requiē, gloriā, atq; foelicitatē.

FINIS.

GERARDI, DE PRÆ-  
cedenti Libello, ad Catholicum  
Lectorem admonitio.



Vm libellum hunc ab amico transalpi-  
no scriptum, familiaribus quibusdam im-  
pertuissimè meis: eorum factum est roga-  
tu & pia quadā importunitate, vt in ma-  
nus permitteretur quorundam magnatum, & prin-  
cipum virorum, quibus vel suadentibus, vel impe-  
rantibus potius, typis est excusus. Existimabāt enim  
ad rem Christianam non mediocriter referre, vt hæc  
tam insignis Anglorum persecutio, qualē post mul-  
ta secula non sensit Ecclesia, non solum ætati com-  
municaretur præsentī, verum etiam venturæ posteri-  
tati transmitteretur. Habet enim quæ & præsentēs  
excitent ad commiserationem, & futuros instruant  
ad cautelam. Illud autem admonere volui, quod  
suis me litteris admonuit amicus, se, cum plurima  
in cæteris libelli partibus, tum illud sponte in le-  
gum texendo catalogo omisisse, quod multis legi-  
bus & edictis cautum sit in Anglia, ne Catholicus,  
exilio, vel patriæ derelictione, poenis se, vel persecu-  
tioni subtrahat. Prouisum enim est, ne quis regni  
fines egrediatur nisi obtenta prius à Consilio Regio  
facultate, & licentia. Si quis autem sine particulari  
licentia egressus fuerit: amittet possessiones omnes  
pro vitæ suæ tempore. Nec licet cuiquam ante egres-  
sum ea quæ possidet, vxori, liberis aut amicis donare,  
quia hoc in fisci regij fraudem existimabitur factū,  
& fiscales actione doli mali, facile recuperabunt.  
Huius autem legis de fugitiuis (vt loquuntur) tam  
stricta,

stricta, & seuera sit obseruatio, vt nemo vel patrem, vel maritum, vel fratres, vel liberos extra Angliam, sine particulari licentia degentes (hæc autem licentia cum cæteris defficulter, tum Catholicis nunquã, vel difficillime conceditur) quauis ratione iuuare, aut quouis subsidio subleuare audeat. Immo quod seuerius est, patres omnes, quorum filij his in partibus, vel alibi, studiorum causa extra Angliam versantur, securitatem præstare, & pactione se obligare coguntur, aut filios statim retrahendi, aut omni eos alimonia, & sustentatione priuandi. Quæ omnia eo tendunt, ne Catholicis Anglicanis, vlla solatij particula, vel domi, vel foris permitteretur. Atque hæc admonenda duxi, quia in libello ipso, prætermissa fuerunt. Reliquum est, vt Christiani omnes perspectis suorum fratrum, & viscerum angustis, pro communi vinculo charitatis, quod intercedit in toto corpore, ardentissimis rem precibus communi domino commendent.

EXEMPLAR

*EXEMPLAR LITTERARUM à sacerdote quodam Alex. Brianto, Collegij Rhemensis alumno intra currim Londinensem concluso, nunc inclyto Christi Martyre, ad Patres Societatis Iesu in Anglia degentes.*

LECTORI PIO.



*I* si verum sit, Catholicos carceribus Londinensis castri inclusos, tā arcta, & in humana teneri custodia, vt nec amicorum aditus, nec aliorum hominum societas, aut colloquium, multo vero minus libri, charta, aut calami permittantur: tamen, dum haberentur nupe disputationes quadam cum P. Campiano incarcerato, nonnulli eorum; qui audiendi causa intrauerant, opportunitatem nacti, digressi sunt ad quorundam sacerdotum inclusorum latibula, vt Christi seruos viderent, & saluarent. Qua sancta Dei prouidentia factum est, vt nonnulla de illorum statu, & summa consolatione, qua Diuina bonitas inter extremas aguntias eos reficit, ac recreat, intelligerentur. Inter alia vero, hæc subsequens Epistola raptim exarata



rata ab afflictissimo sacerdote , & iterum , atque iterum tormentis agitato, dictante profecto (vt videtur) Spiritu sancto , in manus nostras peruenit. Quā mihi à Reuerendis Patribus Societatis Iesu ad quos erat missa , communicatam, apponere hoc loco volui , verbatim ex ipso auctoris chirographo discriptam, vt mortales intelligant , non esse abbreviatem manum Domini quo minus nunc, quam olim, confessoribus suis in necessitatibus opituletur , & intra densas carcerum cecitate consistat.

Reueren.

*Reueren. Patribus Soc. Iesu.*



Votiescunque mecum cogito (reuerendi patres) quàm ardentè, & quàm varijs modis Deus Opt. Max. nostram quærit salutem, nostrum cupit amorem; cor nostrum possidere, & in nobis regnare desiderat: toties stupore confundor, quòd nos miseri homines, vel beneficijs commoti, vel allecti præmijs, vel saltem stricto Dei iudicio perterriti, totis viribus illi non obsequamur, nec offeramus ipsi corpora nostra in hostiam uiuentem, & holocaustum perfectum. Nam præter immensa eius erga nos beneficia, creationis videlicet, redemptionis, cõseruationis iustificationis, & quam speramus glorificationis: præter hæc (inquam) & infinita alia, verbis suauissimis nos adhortatur, vt properemus, ad ipsum. Ego (inquit) diligentes me diligo: & qui mane vigilauerit ad me, inueniet me: beatus homo qui audit me, & qui vigilat ad fores meas quotidie, & obseruat ad postes ostij mei. Qui me inuenierit, inueniet vitam, & hauriet salutem à Domino.

Vbi autem quærendus sit, ipse Dominus ostendit his verbis: Vbi duo vel tres congregati sunt in nomine meo, ibi ego sum in medio eorum. Ibi vere putandus est esse Christus, vbi multi charitate coniuncti, ideo conueniunt, vt Deum honorent, Deo soli deseruiant, eiusque præcepta custodiant, & regnum eius gloriosissimum propagent. Qui hoc ipsum audit, veritatem discet, & non ambulabit in tenebris, & errorum caligine, sed securus vadet ad fontes aquarum.

In talibus congregationibus Deo sacratis, via recta in cælum tenetur, non vepribus obsita, sed sanctorum vestigijs incessanter attrita, non flosculis huius amari seculi ornata, non delicijs, aut blandimentis affluens, sed legibus, regulisque sanctissimis munita,

vt stulti non errent per eam, nec quisquam in illa deuiet, nisi qui suam salutem prorsus negligeret. Hic cuncta in numero, pondere, & mensura, apte disponuntur, vt vere sapientia inhabitare dicatur, cuius opera omnia mire ordinata sunt. Hic viget celestis quædam fratrum correptio, suavis affectuum prauorum castigatio, & mutux charitatis ineffabilis prouocatio.

Ob hæc, aut his similia, ante biennium apud me firmiter proposueram, hoc vitæ genus suscipere, si Dominus voluerit; & cum viro docto, & pio, tunc spiritali meo patre, huiusmodi sermonem habui: An, si ex patria, rationabili de causa redirem (eram enim eo tempore in transmarinis partibus) fore sperarem, vt me Patres Societatis in sanctâ obedientiam reciperent? Cuius sententia fuit, vt hac de re nullatenus dubitarem. Hinc augèbatur spes, accreuit animus, & hoc biennio dum in Anglia versarer, sapius mente renouaui propositum hoc. Sed quia sperabam laborem meum, & industriam in messe Domini nõ prorsus inutilem, distuli propositum. Nunc autem cum diuina dispensatione libertate priuer, vt huic utili labori meipsum diutius non possim impendere: iterum renouatur desiderium, iterum incaluit, & exardescit spiritus, & tandem votum Domino Deo voui, non temere, (vt spero) sed in Dei timore, nec ob alium finem, quam vt inde sanctius, & gratius obsequium Deo præstem, ad maiorem Dei gloriam, certiorum salutem meam, & ad gloriosorem de spiritali meo hoste triumphum. Voui equidem, vt cum Domino placuerit me liberare (si tamen aliquando placuerit) intra vnum deinde annum, Patribus Societatis me totum resignaturum, (si Deo inspirante me reciperet) libenter, & summo cum gaudio in perpetuum, voluntatem meam omnem in Dei seruitium, & eorum obse-

obsequium penitus, penitusque traditurum.

Hoc votum in summis angustiis, & tribulationibus meis, magno mihi gaudio, & solatio fuit: & ob hoc, maiori cum fiducia impetrandæ fortitudinis, & patientiæ, accessi ad thronum diuinæ maiestatis, patrocínio fretus B. Marię semper virginis, & omnium sanctorum. Quod quidem à Deo profectum spero, quia in ipso orationis tempore à me factum fuit, cū mihi videbar cælestia cogitare. Sic enim res gesta est. Eodem die, quo primum tormentis cruciabar, antequam ad locum processi, orationibus vacans, & Domino Deo me, meaque omnia commendans, superna quadam spiritus dulcedine replebar, dum inuocarem sanctissimum nomen Iesu, & B. Virginis Marię: (dicebam enim Rosarium) hilaris erat animus, bene confortatus, & promptus ad perferenda tormenta, quæ tūc certissime expectabam. Tandē in mentem venit prædictum propositum, & simul etiam coincidebat in animum, vt nunc voto firmarē, quod antea statueram. Peractis precibus, hæc animo reuoluī, ratione qua potui discussi, bonum iudicaui, desiderium compleui, votum prædicta conditione libere emisi.

Quod factum, Deus ipse mihi videtur statim probasse. Nā in omnibus angustiis, & cruciatibus meis de infinita suā bonitate misericorditer mihi affuit, confortans me in necessitate, & liberans animam meam à labijs iniquis, à lingua dolosa, & à rugientibus paratis ad prædam.


An quod dicam mirabile sit, nescio, Deus scit: sed quod verum sit, testis est coram Deo cōscientia mea. Hoc dico quod in vltima tortura, cū crudelius in corpus sæuissent aduersarij, manibus, pedibusque violenter extensis, omnis tandē fere doloris sensus expers eram: nec hoc solum, sed etiam quasi refocilla-


tus à præcedentis torturæ doloribus, sensibus perfectis, mente quieta, & corde tranquillo perstiti. Quod videntes Commissarii, exeuntes iusserunt me eodem modo iterum in diem posterum cruciari: quod audiens, credebam equidem, & sperabam diuino auxilio me patienter laturum. Interea meditabar (vt potui) Saluatoris nostri acerbissimam passionem, innumeris doloribus plenam, dumq; hæc ipsa agerentur, vulneratam putaram sinistram manum in medio palmæ, & sanguinem effluxisse existimaram, sed reuera nil tale fuit, nec alius tunc dolor, præter illum manus grauabat.

Nunc ergo, vt innotescat vobis petitio, & postulatio mea, cum nulla spes reliqua sit, nos breui pristina libertate ita fruituros, vt vestras Paternitates præfens alloquar (quod vtrum aliquando sit euenturum, nulli mortalium est notum) interim humiliter me vobis submitto, suppliciter rogans, vt pro me, & de me faciatis, quod vestræ prudentiæ visum fuerit. Et si fieri possit, vt absens in vestrâ societatem adscribi, & recipi queam, supplici mente & toto corde exposco, vt sic cum humilibus humiliter sentiam, cum de uotis, Dei laudes personem, & continue gratias ei pro beneficijs suis referam; tum etiam, plurimum suffragijs adiutus, tutius curram ad propositum brauii.

Non ignoro infinitas esse antiqui hostis insidias, tortuosus enim cum sit coluber, mire simplicium animas, qui fidelem ductorem non habent, sua vafritie deludere conatur, in Angelum lucis transformans se, vt nō sine causa admoneamur, vt probemus spiritus si ex Deo sint. Vobis igitur, quoniā spirituales estis, & huic certamini assueti, committo totum negotiū istud, per viscera misericordiæ Dei obsecrans, vt me vestro consilio, & sapientia regere dignemini: & si vtile videatur in oculis vestris, ad maiorem Dei honorem,

norem, Ecclesiæ vtilitatem, & animæ meæ æternam salutem, vt promouear ad hanc sanctissimi nominis Iesu Societatem: in præsentī Obedientiā promitto coram Deo in foro conscientiæ meæ, omnibus, & singulis Præpositis constitutis, & constituendis, omnibus item regulis, legibusue in hac Societate receptis, pro mea virili, & quantum me Deus adiuet: testis dies iste, testis & hoc chirographum manus meæ in die iudicij. De corporis valetudine non est quod dubitetis, quia iam fere pristinam fortitudinem, & robur, Deo donante, recuperaui, & in dies magis magisque cōnualesco. De cætero me vestris orationibus commendans, vos in Domino valere iubeo, sollicitè expectans, quæ sit vestra de me sententia.





R O M A E,  
*Apud Vincentium Accolium.*

---

M. D. LXXXII.